

ÑAXAN BA JUN TSA' BA I TS'IJBU PABLO CHA'AN JINI AÑO' BA TI CORINTO

Jun cha'an ochemo' b_Λ ti' t'an Dios ya' ti Corinto

¹ Joñon Pablojon. Dios ti' p_Λy_Λyon cha'an yajc_Λbilon b_Λ ajsubt'an ñumel i cha'an Jesucristo cha'an ch_Λ'_Λch yom Dios. Che' quic'ot hermano Sóstenes

² ch_Λncol lojon c ts'ijbubeñetla ili carta hermañujob ochemet b_Λ la ti' t'an Dios ya' ti Corinto. I cha'añetla Dios como mi la' tyem ajñel yic'ot Cristo Jesús. Dios ti' p_Λy_Λyetla cha'an mi la' wajñel ti i cha'año' b_Λ yic'ot ti pejtyel mu' b_Λ i pejcan lac yum Jesucristo ba'ical b_Λ añob. I Yumob_Λch. Lac Yum_Λch je'el.

³ La' i y_Λq'ueñetla i yutslel yic'ot i ñ_Λch'ty_Λlel ty_Λlem b_Λ ti Dios lac Tyat yic'ot ti lac Yum Jesucristo.

Cha'an iyutslel Dios mu' b_Λ la c_Λq'uentiyel cha'an ti Cristo

⁴ Ch_Λncol c ch_Λc suben Dios wocox i y_Λl_Λ cha'añetla cha'an ti aq'uentiyetla i yutslel Dios cha'an ti Cristo Jesús.

⁵ Dios ti y_Λq'ueyetla pejtyel ch_Λ b_Λ ñoj wen b_Λ cha'an ch_Λncol la' wajñel la' wic'ot Cristo. Ch_Λ'_Λch je'el mi' cotyañetla ti jini mu' b_Λ la' w_Λle' yic'ot jini mu' b_Λ la' ña'tyan.

6 Tsa'ix i lu' y_Λq'ueyetla jini ñoj wen b_Λ che' bajche' tic w_Λ subeyetla cha'an ch'ujbi i cotyañetla Cristo.

7 Cha'an la' lu' tyaje' pejtyel ch_Λ b_Λ mi y_Λq'ueñetla Dios ma'ix ch_Λ b_Λ yom la' cha'an che' ch_Λncol la' ch_Λc pijtyan i cha' ty_Λlel lac Yum Jesucristo.

8 Dios mi' cotyañetla la' bele' ajñel ti xuc'ul cha'an ma'ix la' mul c'_ΛΛ ya' b_Λ mi cha' ty_Λlel lac Yum Jesucristo.

9 Dios mi' lu' ts'_Λctisan jini tsa'ix b_Λ y_ΛΛ. Jini ti' p_Λy_Λyetla cha'an mi la' wajñel yic'ot i Yalobil Jesucristo lac Yum.

Cha'an contrajiya cha'an ti' t'oxoyob i b_Λ jini ochemo' b_Λ ti' t'an Dios

10 Hermañujob, ti' c'aba' lac Yum mic subeñetla ti wocol t'an cha'an junlajal mi la' pensalin cha'an mach'an mi la' contrajin la' b_Λ ti' t'an. Pero yom junlajal mi la' pensalin. Yom junlajal mi la' cha'len t'an cha'an mi la' wajñel ti' ñ_Λch'_Λ.

11 Joñon Pablojon. Ch_Λ'ach ch_Λncox c subeñetla, quermañujob, como an jini año' b_Λ ti' yotyot jini x'ixic Cloé b_Λ i c'aba' ti' subon ch_Λncox la' contrajin la' b_Λ ti' t'an.

12 Ch_Λncox c_Λle' jini como ti chajp ti chajp ch_Λncol la' w_Λle'. An jini ch_Λncol b_Λ i y_Λle': Joñon mic ts_Λclen Pablo. Yamb_Λ mi y_Λle': Joñon mic ts_Λclen Apolos. Yamb_Λ mi y_Λle': Joñon mic ts_Λclen Pedro. Yamb_Λ mi y_Λle': Joñon mic ts_Λclen Cristo, che'en.

13 ¿Pero mach ba lac Yum_Λch Cristo ti lac pej-tyelel? ¿Tsa'ix ba sajtiyon ti cruz cha'añetla mi la' w_Λl? Mach'an ti c_Λc'_Λy_Λyetla ti ch'_Λm ja' tij c'aba'.

14 Wocox i y Δ Δ Dios ma'an mi juntiquileticla ti c Δ c' Δ ti ch' Δ m ja'. Jini jach Crispo yic'ot Gayo b Δ i c'aba'ob ti c Δ c' Δ ti ch' Δ m ja'.

15 Che' jini mach'an majch ch'ujbi i y Δ le' ti c Δ c' Δ y Δ etla ti ch' Δ m ja' tij c'aba'.

16 Aja, tsa' tyo c Δ c' Δ ti ch' Δ m ja' je'el jini año' b Δ ti yotyot Estéfan Δ s. Pero ma'an c'ajal c cha'an mi junticlec yamb Δ ti c Δ c' Δ ti ch' Δ mja'.

17 Como Cristo mach'an ti' xiq'uiyon ty Δ lel cha'an c Δ c' ti ch' Δ m ja' quixtyañujob. Pero ti' xiq'uiyon ty Δ lel cha'an c sube' majlel jini t'an cha'an laj coty Δ ntyel. Mach'an ti xijq'uiyon c sube' ti cab Δ ts Δ ts b Δ t'an che' bajche' wen cujil ame sojq Δ ic i sujml Δ el cha'an ti sajti Cristo ti cruz.

Cristo i p' Δ ty Δ lel Δ ch yic'ot i ña'ty Δ bal Dios

18 Che' mi yubin ti sajti ti cruz Cristo cha'an laj coty Δ ntyel tonto t'an jach mi lolon ubin jini mu' b Δ i majlel ti xot'mulil. Pero ñoj i c' Δ jñibal i t'an Dios mi la cubin joñon b Δ la ch Δ nc Δ ox b Δ laj coty Δ ntyel.

19 Mi y Δ le' ti Ts'ijbubil b Δ i T'an Dios:

Mi quejel quisan i ña'ty Δ bal jini wen c Δ ntis Δ bilo' b Δ .

Mi quejel c p Δ s'en cha'an lolom jachix i ña'ty Δ bal jini am b Δ cab Δ i ña'ty Δ bal ty Δ lem jach b Δ ti mulawil,

che' mi y Δ l Dios.

20 Che' bajche' ma'ix i c' Δ jñibal wale i ña'ty Δ balob, mi i c' Δ jñibalic i yajc Δ ntisajob, mi jinic mu' b Δ i wen cha'len t'an cha'an i cha'an b Δ mulawil cha'an lac tyaje' laj coty Δ ntyel. Dios ti' p Δ s'e tonto jach jini i ña'ty Δ balob i cha'an jach b Δ mulawil.

21 Como Dios yujil bajche' mi' cha'len. Ma'an ti yac'Λ i cambeñob Dios jini año' bΛ ti mulawil cha'an jach ti cabΛ i ña'tyΛbal i cha'an jach bΛ mulawil. Pero yom i cotyañob jini chΛncol bΛ i ch'ujbin cha'an ti i t'an Dios mu' bΛ lojon c sube' aunque tonto t'an jach mi lolon yubiñob jini yaño' bΛ.

22 Jini lojon c pi'Λlob jini israelo' bΛ yomob i q'uelob i señaJlel tyac i p'ΛtyΛlel Dios. Jini la' pi'Λlob jini mach bΛ israelob yom jach i cañe' cabΛ ñuc bΛ i ña'tyΛbal i cha'an jach bΛ mulawil.

23 Pero joñon lojon chΛncol lojon c sube' i t'an Cristo tsa' bΛ joc'le ti cruz. Jini lojon c pi'Λlob jini israelo' bΛ quisintic mi yubiñob jini t'an. Jini la' pi'Λlob jini mach bΛ israelob tonto t'an jach mi lolon ubiñob.

24 Pero ti lac pejtyelex tsa' bΛ pajjyionla ti Dios cha'an lac ch'ujbin mi israelon bΛ la yic'ot mach bΛ israelonla mi lac ch'Λm'en isujm cha'an Cristo i p'ΛtyΛlelΛch Dios yic'ot i ña'tyΛbal Dios.

25 I ña'tyΛbal Dios mu' bΛ i lolon ajlel ti tonto yoque más ñuc bajche' i ña'tyΛbal quixtyañujob. I cha'libal Dios mach bΛ p'ΛtyΛlic mi' lolon q'uelob quixtyañujob yoque más p'ΛtyΛ bajche' i p'ΛtyΛlel quixtyañujob.

26 Yom mi la' ch'Λm'en isujm hermañujob, Dios ti yajcΛyonla aunque ma'ix cabΛlonla am bΛ cabΛ lac ña'tyΛbal i cha'an jach bΛ mulawil. Ma'ix cabΛlonla am bΛ cabΛ lac p'ΛtyΛlel cha'an lac cha'len xic'ojel. Ma'ix cabΛlonla mi laj q'uejlel ti ñuc ti quixtyañu ti mulawil.

27 Como Dios ti yajcΛ jini mach'Λ ba'an mi q'uejlel ti ñuc ti quixtyañujob cha'an i yac' ti quisnil

jini am b_Λ cab_Λ i ña'ty_Λbal i cha'an jach b_Λ mulawil. Dios ti' yajc_Λ jini mach'_Λ ba'an i c'_Λjnibal mi q'uejlel cha'an mi y_Λj_q'uel ti quisnil jini p'_Λty_Λlo' b_Λ.

²⁸ Dios ti yajc_Λ jini mach'_Λ ba'an i ñucl_{el} w_Λ' ti mulawil yic'ot jini mu' b_Λ i q'uejlel ti tonto. Ti yajc_Λ jini mach'_Λ ba'an sajlic i ñucl_{el} w_Λ' ti mulawil cha'an mi' tsictisan ma'ix yoque i ñucl_{el} jini mu' b_Λ i lolon q'uejlel ti ñuc w_Λ ti mulawil.

²⁹ Che' jini mach'an majch ch'ujbi i chan isan i b_Λ ti' tyojlel Dios.

³⁰ Pero Dios ti y_Λc'_Λyonla lac tyem ajñel la quic'ot Cristo Jesús. Dios ti y_Λq'ueyonla Cristo cha'an mi yajñel ti lac ña'ty_Λbal. Mi' q'uelonla ti wen Dios cha'an ti Cristo. I cha'añonixla Cristo. Cristo ti' coty_Λyonla.

³¹ Che' jini che' bajche' mi y_Λle' jini Ts'ijbubil b_Λ i T'an Dios: Mi an majch yom i sube' i ñucl_{el}, la' i sube' i ñucl_{el} Lac Yum, che' mi y_Λle' ti' t'an Dios.

2

T'an cha'an ti' bajle ti cruz Cristo

¹ Pero hermañujob che' ñac ti ñaxan c'otiyon ya' ba'añetla cha'an c subeñetla jini melel b_Λ i t'an Dios mach'an tij cab_Λ c'_Λñ_Λ ts_Λts tyac b_Λ t'an. Mach'an tic p_Λs_Λ c b_Λ che' bajche' wen cujil.

² Pero che' ñac ya' añon la' wic'ot tic bajñel pensali cha'an mach'an yamb_Λ mic subeñetla. Jini jach mic subeñetla cha'an Jesucristo tsa' b_Λ joc'le ti cruz.

³ Che' ñac ti ty_Λliyon ya' ba' añetla c'uñon. Tsit-siñayon ti b_Λq'uen.

⁴ Mach com c wersa xiq'uetla la' ch'ujbin jini i t'an Dios. Mach'an tic tsʌtsʌ subetla che' bajche' wen kujil che' ñac tic cha'le t'an, che' ñac tic subu i t'an Dios ya' ba' añetla. Pero tic subeyetla i t'an Dios cha'an ti p'ʌtyʌl bʌ i troñel Ch'ujul bʌ i Ch'ujlel Dios ti la' pusic'al.

⁵ Cha'an ti p'ʌtyʌl bʌ i troñel Dios ti la' pusic'al mi la' ch'ujbin Dios. Mach cha'anic jach mi la' ch'ujbin i pensal jach quixtyañujob.

Mi laj cʌn Dios cha'an ti Ch'ujul bʌ i Ch'ujlel

⁶ Pero muc'ʌch lojon cʌle' más tsʌts bʌ t'an che' chʌncʌx lojon c pejcan jini xuc'ul bʌ mi yajñel ti Cristo. Pero ili ña'tyʌbalʌl mu' bʌ lojon cʌle' mach i cha'anic ili mulawil mi i cha'anic jini mu' bʌ i cha'len yumʌl wʌ' ti mulawil. Como jini mi quejel i jilelob.

⁷ Pero mi lojon c sube' i ña'tyʌbal Dios mach'ʌ ba'an tsictiyem ti yambʌ ora. Jiñach tsa'ix bʌ i wʌ ña'tyʌ i cha'len Dios che' max tyo ti' mele ili mulawil cha'an laj cotyʌntyel mach'ʌ yujil jilel. Mi quejel la cʌq'uentyel lac ñucl.

⁸ Mach'an mi junticlec jini yumʌlob wʌ' ti ili mulawil ti' ch'ʌmbeyob isujm bajche' ti' pensali Dios cha'an laj cotyʌntyel. Tsa'ic i ch'ʌmbeyob isujm, mach'an ti' tsʌnsʌyob lac Yum am bʌ i ñucl.

⁹ Pero chʌ'ʌch bajche' ts'ijbubiliz ti' t'an Dios mi yʌl:

Mach'an mi junticlec quixtyañu tsa' bʌ i yubi, tsa' bʌ i yilʌ,
mi tsa'ic i pensali
jini ñoj wen bʌ tsa' bʌ i chajpʌ Dios cha'an jini mu' bʌ i p'untyan Dios.

Che' ts'ijbubil.

¹⁰ Dios ti yac'onla lac ch'amben isujm jini ñoj wen b_Λ tsa' b_Λ i chajp_Λ Dios cha'an ti Ch'ujul b_Λ i Ch'ujlel. Jini Ch'ujul b_Λ i Ch'ujlel Dios lu' yujil isujm ch_Λ b_Λ an ti' pusic'al Dios, jinic tyo jini más ts_Λts tyac b_Λ i sujmllel ti' pusic'al Dios.

¹¹ Mach'an majch ch'ujbi i ña'tyan ch_Λ b_Λ yes mi' pensalin yamb_Λ quixtyañu. Sólo jini jach jini quixtyañu yujil isujm ch_Λ b_Λ mi' pensalin. Ch_Λ'ach je'el sólo jini jach Ch'ujul b_Λ i Ch'ujlel Dios ch'ujbi i ña'tyan ch_Λ b_Λ mi' pensalin Dios.

¹² Mach cha'anic ti i ña'ty_Λbal mulawil pero cha'an ti Ch'ujul b_Λ i Ch'ujlel Dios tsa' b_Λ aq'uentiyonla mi lac ña'tyan jini tsa' b_Λ i y_Λq'ueyonla Dios cha'an ti yutslel.

¹³ Mi lojon c sube' jini mu' b_Λ lojon j c_Λn, mach cha'an ti lojon c bajñel ña'ty_Λbal pero cha'an ti' ña'ty_Λbal mu' b_Λ i c_Λntisañonla Ch'ujul b_Λ i Ch'ujlel Dios. Mi lojon c subeñob i sujmllel cha'an ti Ch'ujul b_Λ i Ch'ujlel am b_Λ yic'ot mu' b_Λ yajñel bajche' yom jini Ch'ujul b_Λ i Ch'ujlel Dios.

¹⁴ Jini mach'Λ ba'an Ch'ujul b_Λ i Ch'ujlel Dios ti' pusic'al mach'an mi' ch'Λm'en isujm jini c_Λntisa i cha'an b_Λ Ch'ujul b_Λ i Ch'ujlel Dios. Como che' bajche' tonto t'an jach mi yubin i t'an Dios. Mach ch'ujbi i ch'Λm'en isujm i c_Λntisa i cha'an b_Λ Ch'ujul b_Λ i Ch'ujlel Dios como jini jach am b_Λ Ch'ujul b_Λ i Ch'ujlel Dios yic'ot mi' ch'Λm'en isujm.

¹⁵ Pero joñonla am b_Λ Ch'ujul b_Λ i Ch'ujlel Dios ti lac pusic'al ch'ujbi lac lu' ch'Λm'en isujm i cha'an b_Λ Dios. Jini mach'Λ ba'an Ch'ujul b_Λ i Ch'ujlel Dios yic'ot mach ch'ujbi i ña'tyañob bajche' mi lac ch'Λm'en isujm.

16 Ts'ijbubil ti' t'an Dios mi y Δ l: Ma'an majch mi' ña'tyan ch Δ b Δ an ti' pusic'al lac Yum. Mach'an yamb Δ yajc Δ ntisa Dios. Pero joñonla am b Δ Ch'ujul b Δ i Ch'ujlel Dios la quic'ot mi lac pensalin che' bajche' mi' pensalin Cristo.

3

Lac pi'al lac b Δ ti troñel mu' b Δ lac cha'liben i troñel Dios

1 Pero mach ch'ujbi c pejcañetla che' bajche' jini mu' b Δ i p Δ s'en majlel i bijlel Ch'ujul b Δ i Ch'ujlel Dios. Tic pejc Δ yetla che' bajche' jini max tyo b Δ ba'an mi' ña'tyañob. Como che' bajche' al Δ let tyo la yi ti i ch'ujbintyel Cristo yubil.

2 Tic subeyetla c'un jach b Δ c Δ ntisa che' bajche' la' chu'. Como che' bajche' ch'oc al Δ let tyo la yubil. Max tyo ba'an tic subeyetla jini ts Δ ts b Δ c Δ ntisa i wenta b Δ we'el. Como max tyo ch'ujbi la' ch' Δ me' yubil. Como c' Δ Δ wale iliyi max tyo ch'ujbi la' ch' Δ m'en isujm.

3 Como ch Δ ncol tyo la' cha'len ch Δ b Δ yom tsucul b Δ la' pusic'al. Che' mi la' mich'q'uel la' b Δ yic'ot periyal yic'ot che' mach junlajal la' pensal, ¿mach ba ch Δ ncol tyo la' mele' ch Δ b Δ yom tsucul b Δ la' pusic'al, che' jini? Ch Δ ncol jach tyo la' wajñel bajche' pejtyel yaño' b Δ quixtyañu mach' Δ ba'an mi' ch'ujbiñob Dios.

4 Como che' juntiquil mi y Δ le': Joñon mic ts Δ clen Pablo, che'en, yamb Δ mi y Δ le': Joñon mic ts Δ clen Apolos, che'en, ¿mach ba lajalet tyo la bajche' yaño' b Δ quixtyañujob mu' b Δ i cha'len ch Δ b Δ yom tsucul b Δ i pusic'al?

⁵ ¿Majchonqui? ¿Majchqui jini Apolos? Ajtroñelon lojon jach i cha'año' b_Λ Dios. Ti la' ch'ujbi cha'an tic subeyetla i t'an Dios. Jujuntiquilon lojon ti lojon c cha'le jini troñel tsa' b_Λ i y_Λc'on lojon c cha'len lac Yum.

⁶ Joñon che' bajche' tic cha'le pac' yubil. Apolos che' bajche' ti' mul ja'le yubil. Pero Dios ti y_Λc'Λ ti colel.

⁷ Che' jini, ma'ix ñ_{uc} mi jinic tsa' b_Λ i cha'le pac' mi jinic tsa' b_Λ mul ja'le yubil. Jini jach ñ_{uc} Dios mu' b_Λ i y_Λc' ti colel jini pac'.

⁸ Junlajal ñ_{uc} jini tsa' b_Λ i cha'le pac' yic'ot jini tsa' b_Λ i mul ja'le yubil. Dios mi quejel i tyoje' ti jujuntiquil. Jiñ_Λch bajche' ti' cha'libe i troñel mi wen o mi mach wen ti' cha'le.

⁹ Como motin ajtroñelon lojon i cha'an b_Λ Dios. Jatyetla i choletla ba' mu' ti troñel Dios yubil. Che' je'el i yotyotyetla yubil ch_Λncol b_Λ i mele' Dios.

¹⁰ Che' bajche' mi wen b_Λ xmel otyotyon yubil. Ti yutslel Dios ti y_Λq'ueyon j c'Λcchocon i ts'ajquil i yebal otyot yubil. Yaño' b_Λ mi quejel ti troñel ti' pam yubil. Pero jujuntiquil yom i wen q'uele' bajche' mi' mele' i troñel ti' pam i yebal b_Λ otyot.

¹¹ Che' tsa'ix c'Λcchoconti i ts'ajquil i yebal jump'ej otyot ma'ix majch ch'ujbi i c'Λcchocon yamb_Λ. Jesucristo che' bajche' i ts'ajquil i yebal otyot. Jiñ_Λch tsa' b_Λ la' ch'ujbi.

¹² An cab_Λl ch_Λ b_Λ ch'ujbi i c'Λñe' quixtyañu cha'an i mele' i yotyot ti' pam i c'Λclib. Jujuntiquil quixtyañu mi' c'Λñe' mi oro, plata, yic'ot ñoj wen b_Λ tyun, mi tye', jam yic'ot jal_Λl yubil cha'an mi' mele' i yotyot.

13 Como ti yorojlel melojel mi quejel i tsictiyel i troñel jujuntiquil quixtyañu mi wen mi mach wen ti' cha'le. Como ti yorojlel melojel mi quejel i ñumel ti c'ajc jini tsa' b_Λ i c'añ_Λ i mele' i yotyot yubil. Ya'i mi tsictiyel ch_Λ b_Λ ti' c'añ_Λ i mel i yotyot yubil.

14 Mi mach'an ti puli jini tsa' b_Λ i mele ti' pam i c'ac'lib che' mi ñumel ti c'ajc mi quejel i y_Λq'uentyel i tyojol i troñel.

15 Pero mi ti puli jini tsa' b_Λ i c'añ_Λ ti troñel yubil mi' s_Λt pejtyel i troñel. Pero mi quejel i coty_Λntyel jini quixtyañu pero che' bajche' cole' i pulel ti c'ajc.

16 ¿Mach ba la' wujil isujm jump'ej i templojetla yubil ba' mi' cha'len chumty_Λl Ch'ujul b_Λ i Ch'ujlel Dios?

17 Che' bajche' mi an majch mi tyeche' contra-jiya mu' b_Λ i y_Λq'ueñet la' t'oxe' la' b_Λ ch_Λncox i jeme' i templo Dios yubil. Dios mi quejel i jisan jini quixtyañu je'el como ch'ujul i templo Dios. I templojetixla Dios.

18 Ma' mi la' lotin la' b_Λ. Mi an majch mi lolon al wen yujil, la' i yajñel che' bajche' ma'ix ch_Λ b_Λ yujil cha'an mi yoque tyaj i ña'ty_Λbal ty_Λlem b_Λ ti Dios.

19 Como i tontojlel jach mi' q'uele' Dios jini i bajñel ña'ty_Λbal jach b_Λ quixtyañujob. Jini Ts'ijbubil b_Λ i T'an Dios mi y_Λl: Dios mi y_Λc' ti yajlel cha'an ti mismo i ña'ty_Λbal jini mu' b_Λ i lolon ña'tyan wen yujil.

20 Mi y_Λle' je'el ti Ts'ijbubil b_Λ i T'an Dios: Yujil isujm lac Yum ma'ix i c'aj_Λnibal jini mu' b_Λ i lolon al wen yujil.

21 Jin cha'an ma'an majch ch'ujbi i p_Λt i b_Λ ti ñuc cha'an ch_Λncox i lolon ts_Λclen majlel yamb_Λ

quixtyañu como lu' la' cha'añach pejtyel chΛ bΛ yes an.

²² Lu' la' cha'añach ti pejtyel mi joñoñach mi Apolos mi Pedro mi ili mulawil, mi laj cuxtyalel. La' cha'añach che' mi lac sajtyel. La' cha'añach ili ora wale iliyi yic'ot jini tyal tyo bΛ ora. Pejtyel lu' la' cha'añach.

²³ Che' je'el jatyetla i cha'añetla Cristo. Cristo i cha'añach Dios.

4

I troñel jini yajcΛbil bΛ ajsubt'añob ñumel

¹ Yom mi la' q'uelon lojon che' bajche' ajtroñelon lojon jach i cha'an Cristo tsa' bΛ aq'uentiyon ti lojon c wenta cha'an j cantisañetla jini i t'an Dios max tyo bΛ ba'an tsictiyem i sujmler ti yambΛ ora.

² Wersa yom mi tsictiyel xuc'ulach mi' cha'len troñel jini ajtroñelob.

³ Pero joñon c bajñel ma'ix muc'on ti pensal che' mi la' wΛle' mi wen o mi mach wen tic cha'le c troñel o mi yaño' bΛ mi yΛle' mi wen o mi mach wen tic cha'le. Mi jinic joñon ma'ix mic lolon al mi wen tic cha'le.

⁴ Aunque ma'ix chΛ bΛ mi saj al c pusic'al como wen tic cha'le mi cubin pero mach jinic mi yΛl mi weñach tic cha'le che' ma'ix chΛ bΛ mi yΛl c pusic'al. Lac Yum jach yujil isujm mi wen tic cha'le.

⁵ Jin cha'an max tyo la' wΛ ale' mi wen o mi mach wen ti' cha'libe i troñel Dios yambΛ quixtyañu che' max tyo i yorojlel. Pijtyan jintyo mi tyΛlel lac Yum. Lac Yum mi quejel i tsictisan chΛ bΛ an ti lojon c pusic'al. Che' jini mi quejel i lu' ña'tyañob chΛ bΛ och ti lojon c cha'libe i troñel Dios ti pejtyelel lojon

c pusic'al. Che' jini mi quejel i subentyel i ñucel ti jujuntiquilonla ti Dios cha'an bajche' ti lac cha'libe i troñel Dios.

⁶ Hermañujob, cha'an la' wenlel ch_Λ'_Λch ch_Λncox c tyaj c b_Λ ti t'an yic'ot Apolos ti lajoñel cha'an la' ña'tyan bajche' yom mi la' wajñel che' bajche' ts'ijbubil ti t'an Dios. Cha'an mach'an majch mi' más q'uel ti ñuc juntiquil ajtroñel i cha'an b_Λ Dios che' mi' p'aje' yamb_Λ.

⁷ ¿Majchqui parte ti y_Λq'ueyet a c'_Λjnibal? ¿Am ba a c'_Λjnibal mach'_Λ ba'an ti y_Λq'ueyetla Dios? Mi ti aq'uentiyetla, ¿chucoch, che' jini, mi la' chan isan la' b_Λ che' bajche' ti la' bajñel ti la' tyaja la' c'_Λjnibal mi la' cha'len?

⁸ Che' bajche' anix la' cha'an pejtyelel ch_Λ b_Λ la' wom ti jini ch_Λncol b_Λ la' ch'ujbin. Mach'an ch_Λ b_Λ yamb_Λ la' wom yubil. Ch_Λncox la' wa' cha'len yum_Λl yubil. C_Λy_Λlon lojon yubil. Melelic yum_Λletla cha'an mi lojon c motin cha'len yum_Λl quic'otyetla.

⁹ Yajc_Λbilon b_Λ ajsubt'añon lojon ñumel. Che' bajche' Dios ti y_Λq'ueyon lojon c ñusan wocol che' bajche' ma'ix lojon j c'_Λjnibal mi cubin. Ti y_Λq'ueyon lojon ba' ch'ujbi i lu' q'uelon lojon pejtyel quixtyañu yic'ot ajtroñel i cha'an Dios ch'oyol b_Λ ti panchan. Ac'_Λlonix lojon ti ts_Λnts_Λntyel yubil.

¹⁰ Che' bajche' tonto añon lojon mi' q'ueloñob quixtyañu cha'an ti caj Cristo pero jatyetla wen an la' ña'ty_Λbal mi la' w_Λl cha'an ti Cristo. C'uñon lojon pero jatyetla p'_Λty_Λletla mi la' w_Λl yubil. Mi la' q'uejlel ti ñuc pero joñon lojon mi lojon c p'ajty_Λl.

11 C'ΛΛ wale iliyi tsa'ix lojon c ñusΛ wi'ñal yic'ot tyΛquin ti'. Ma'ix jasΛ lojon c pislel. Mi lojon cajts'el. Ma'ix lojon cotyot.

12 Mi lojon c lujb'an che' mi lojon c cha'len troñel tij c'Λb. Che' mi lojon cΛl'entyel mi lojon caq'ue' ti wen bΛ t'an. Che' mi lojon quilan wocol mi lojon j cuche' ti wen.

13 Che' mi' contrajiñon lojon ti' t'añob mi lojon c cha' pejcan ti uts bΛ t'an. Mi' q'ueloñob che' bajche' misejelΛlon lojon am bΛ ti lum. C'ΛΛ wale iliyi mi' q'uelon lojon che' bajche' jini más bibajax bΛ wΛ ti mulawil.

14 Mach'anix mic ts'ijbun ili t'an cha'an j quisñiñetla pero cha'an c tyumbiñetla che' bajche' p'untyΛbilet bΛ la calobil.

15 Como aunque an diez mil ajcΛntisa tsa' bΛ i cΛntisΛyetla cha'an Cristo pero ma'ix cabal la' tyat. Como che' bajche' la' tyatyon yubil cha'an ti la' ch'ujbi Cristo Jesús che' ñac tic subeyetla jini t'an cha'an laj cotyΛntyel.

16 Jin cha'an mic subeñetla: Cha'lenla bajche' tij cΛntisΛyetla.

17 Jin cha'an tsa'ix c chocbeyetla tyΛlel Timoteo. Mic p'untyan Timoteo xuc'ul bΛ calobil yubil cha'an ti lac Yum. Timoteo mi quejel i c'ajtisΛbeñetla bajche' mi cajñel cha'an chΛncol c ch'ujbin Cristo. Mi quejel i c'ajtisΛbeñetla bajche' mij cΛntisañob je'el jini ochemo' bΛ ti' t'an Dios ba'ical jach mic ñumel ti cΛntisa.

18 Cha'tiquil uxtiquiletla chΛncox la' chan isan la' bΛ. Mi la' lolon ña'tyan ma'ix mi quejel c tyΛlel ti jula' ya' ba' añetla.

19 Pero mi che' yom lac Yum ma'ix jal mi quejel j c'otyel j q'ueletla. Che' jini mi quejel j q'uele' mi yoque an i p'ʌtyʌlel Dios yic'ot jini chʌncol bʌ i chan isan i bʌ o mi ti i ti' jach mi lolon al mi chʌncol i ch'ujbin.

20 Mach ti' t'an jach quixtyañu mi tsictiyel mi chʌncol i yumin Dios ti' pusic'al. Pero cha'an bajche' mi' cha'len mi' tsictisan mi an i p'ʌtyʌlel Dios yic'ot.

21 ¿Baqui bʌ la' wom che' mic cha' tyʌlel cula' añetla? ¿La' wom ba mi cʌq'ueñetla la' xot' la' mul cha'an ma'an ti la' tyoj'isʌ la' bʌ? ¿O la' wom ba mic p'untyañetla yic'ot mic pejcañetla ti uts bʌ t'an cha'an tsa'ix la' wʌ tyoj'isʌ la' bʌ? ¿Baqui bʌ la' wom che' jini?

5

Melojel cha'an jini tsa' bʌ i cha'le i tsuculel

1 Tsa'ix lu' ubinti ba'ical cha'an an juntiquil winic ya' ba' añetla tsa'ix bʌ i cha'le i tsuculel mach'ʌ ba'an mi' saj cha'leñob mi jinic jini mach bʌ ba'an mi' ña'tyañob. Jini winic mi yajñel yic'ot i q'uexol i ña'.

2 Pero jatyetla chʌncol tyo la' lolon chan isan la' bʌ. Yom mi la' wuc'tyʌben i mul. La' chojqic loq'uel ti la' tyojlel jini tsa' bʌ i cha'le i tsuculel.

3 Aunque mach ya'ic añon pero tic pusic'al ya' añon yubil. Che' bajche' ya'ic añon tsa'ix c wʌ ña'tyʌ bajche' yom mi la' tyoj'isan.

4 Much'quin la' bʌ che' bajche' yom lac Yum Jesu-cristo. Ya' añon ya' ba' añetla tic pusic'al je'el. Ya'an i p'ʌtyʌlel lac Yum la' wic'ot cha'an i cotyañetla.

5 Yom mi la' w_Λc' ti' wenta Satanás cha'an i yubin wocol ti' b_Λc'tyal cha'an mi jis_Δntyel ch_Λ b_Λ yom i bajñel tsucul pusic'al cha'an mi coty_Δntyel i ch'ujlel che' mi cha' ty_Λlel lac Yum Jesús.

6 Mach yom mi la' chan isan la' b_Λ cha'an jini ch_Δncol b_Λ la' cha'len. ¿Mach ba la' wujil isujm jini w_Λ albil b_Λ t'an ba' mi y_Λl: Cha'an ti ts'itya' jach levadura mu' b_Λ y_Λq'uen i wos i b_Λ caxlan waj mi lu' wose' i b_Λ jini caxlan waj? che'en.

7 Loc'sanla jini mulil ya' ba' añetla che' b_Λ bajche' levadura mu' b_Λ i y_Λq'uen i wos i b_Λ caxlan waj cha'an mi la' wajñel ti s_Δc. Como s_Δquetla. Che' jini añetla che' bajche' tsiji' b_Λ wajetla mach'Λ ba'an yic'ot jini mu' b_Λ y_Λq'uen i wos i b_Λ caxlan waj. Jiñach che' bajche' ti' c'uxuyob ti pascua b_Λ q'uin ti ñoj oniyix. Chajp_Δbilix pascua b_Λ q'uin yubil. Como tsa'ix i y_Λc'Λ i b_Λ ti sajtyel Cristo cha'an laj coty_Δntyel che' bajche' ts_Δns_Δbil b_Λ tiñame' tsa' b_Λ i ts_Δns_Δyob ti pascua b_Λ q'uin ti ñoj oniyix.

8 Che' jini yom mi la' cajñel che' bajche' tsijibonla ti jump'ej lac pusic'al ti wen b_Λ lac pensal. Añonla che' bajche' jini waj mach b_Λ ba'an yic'ot jini mu' b_Λ i y_Λq'uen i wos i b_Λ caxlan waj. Mach yom mi la' cajñel che' an tyo lac tsuculel che' an tyo lac mul. Che' bajche' an tyo la quic'ot jini mu' b_Λ y_Λq'uen i wos i b_Λ caxlan waj che' an tyo lac mul.

9 Tic ts'ijbubetla ti yamb_Λ jun cha'an mach yom mi la' wajñel yic'ot jini mu' b_Λ i cha'len i tsuculel.

10 Mach yom mi la' junyajlel loq'uel ba'an jini mach b_Λ ba'an mi' ña'tyañob, jini mu' b_Λ i cha'len i tsuculel, mi jinic mu' b_Λ i mich'q'uel ch_Λ b_Λ an i cha'an b_Λ i pi'Λ, jini mu' b_Λ i cha'len xujch', mi jinic mu' b_Λ i ch'ujutisan jini melel jach b_Λ dios

tyac. Como mi ma' mi la' wajñel yic'otyob che' jini, wersa yom mi la' loq'uel ti ili mulawil yubil.

¹¹ Pero tic ts'ijbubeyetla cha'an mach yom mi la' wajñel yic'ot jini mu' b_Λ i lolon al i b_Λ ti ochem b_Λ ti' t'an Dios mi ch_Λncol tyo i cha'len i tsuculel, mi ch_Λncox i mich'q'uel ch_Λ b_Λ an i cha'an i pi'Al mi ch_Λncox i ch'ujutisan meel jach b_Λ dios, mi ch_Λncox i cha'len tsucul t'an o mi ch_Λncox ti q'uixnijel. Mach yom mi jinic mi la' cha'len uch'el yic'ot.

¹²⁻¹³ Como mach c wenta c mel jini mach b_Λ ba'an ochem ti' t'an Dios. Dios mi quejel i melob. Pero jatyetla añach ti la' wenta la' mele' ochemo' b_Λ ti' t'an Dios. Jini cha'an chocoxla loq'uel ti la' tyojlel jini tsa' b_Λ i cha'le mulil.

6

Mach yom mi lac cha'len melojel cha'an periyal tyac ba'an am b_Λ ye'tyel mach b_Λ ochem ti' t'an Dios

¹ Mi an cha'tiquiletla mu' b_Λ la' contrajin la' b_Λ ochemet b_Λ la' ti' t'an Dios, ¿bajche'qui isujm, che' jini, mi la' wa' majlel la' mel la' b_Λ ba'an am b_Λ ye'tyel mach b_Λ ba'an ochem ti' t'an Dios? Mejor mi la' mele' la' b_Λ ti' tyojlel ochemo' b_Λ ti' t'an Dios.

² ¿Mach ba la' wujil isujm ti jini tyal tyo b_Λ ora jini ochemo' b_Λ ti' t'an Dios mi quejel i mele' jini mach b_Λ ba'an ochem ti' t'an Dios? Jixcu mi mu' tyo quejel lac mel jini mach b_Λ ba'an ochem ti' t'an Dios, ¿mach ba ch'ujbi la' mele' jini saj tyac jach b_Λ la' contrajiya?

³ ¿Mach ba la' wujil isujm mu' tyo quejel lac mel ajtroñel i cha'an b_Λ Dios ch'oyolo' b_Λ ti panchan?

¿Mach ba más ch'ujbi lac mele' hermañujob cha'an ch_Λ b_Λ tyac jach w_Λ' b_Λ an ti mulawil, che' jini?

⁴ Mi an contrajiya ba'an hermañujob, ¿chucoch mi la' majlel ti melojel ba'an jini mach b_Λ ba'an ochem ti' t'an Dios che' jini?

⁵ Ch_Λncol c_Λle' jini cha'an quisintic mi la' wubin. ¿Mach'a ba'an mi junticlec jas_Λ b_Λ i ña'ty_Λbal ba'añetla cha'an i tyoj'isan che' mi' contrajiñob i b_Λ hermañujob?

⁶ ¿Jixcu c'añ_Λl ba mi wa' p_Λye' majlel ti melojel yamb_Λ hermañu ba'an jini mach b_Λ ba'an ochem ti' t'an Dios? Mach yom.

⁷ Che' mi la' mele' la' b_Λ tsiquil_Λch mach xuc'uleticla, che' jini. ¿Chucoch ma'an mi la' cuch'en i mul la' pi'_Λl? Mejor mi la' cuche' che' an ch_Λ b_Λ mi' chilbeñetla.

⁸ Pero jatyetla ch_Λncox la' cha'len mach'_Λ wen. Jinic tyo mi la' cha'len xujch'. Mi la' xujch'ibeñob ch_Λ b_Λ an i cha'an ochemo' b_Λ ti' t'an Dios.

⁹ ¿Mach ba la' wujil isujm mach ch'ujbi i yochel ba' mi' cha'len yum_Λl Dios jini mach'_Λ weñob? Ma' mi la' lotin la' b_Λ. Mach ch'ujbi i yochel ba' mi' cha'len yum_Λl Dios mi jinic jini mu' b_Λ i cha'len i tsuculel, mi jinic jini mu' b_Λ i ch'ujutisan melél jach b_Λ dios tyac, mi jinic jini am b_Λ t'an yic'ot yamb_Λ winic yamb_Λ x'ixic, mi jinic jini winicob mi x'ixicob mu' b_Λ laja pejcañob i b_Λ.

¹⁰ Mach ch'ujbi i yochel jini ajxujch'ob mi jinic mu' b_Λ i mich'q'uel ch_Λ b_Λ an i cha'an b_Λ i pi'_Λl, mi jinic jini xq'uixnijelob mi jinic jini xjop't'añob, mi jinic jini mu' b_Λ i wersa ch'_Λmben jini mach b_Λ i cha'anic. Mach ochob ba' mi' cha'len yum_Λl Dios.

11 Ch'ach an lamitaletla wajali pero tsa'ix sac isantiyetla. Tsa'ix la' w'aq'ue la' b' Dios cha'an i cha'añetla. Chancox la' q'uejlel ti tyoj ti Dios cha'an ti lac Yum Jesús yic'ot cha'an ti Ch'ujul b' i Ch'ujlel lac Dios.

I cha'añach Dios lac bac'tyal

12 Melelach bajche' mi y'lob: Librejix añon cha'an c cha'len ch' b' jach yes com c mele', che'ob. Pero ma'ix lu' an i c'aj'nibal cha'an c mele'. Pero mach'anix mi quejel c' c' b' cha'an c cha'len ame mi quejel c bej mulan c cha'len.

13 Melelach bajche' mi y'lob: Ti aq'uenti we'el cha'an lac ñac' cha'an laj c'uxe'. Ti ajq'ui lac ñac' cha'an mi yochel lac we'el, che'ob. Pero Dios mi quejel i jisan we'el yic'ot lac ñac' che' mach b' ba'an ch' an i c'aj'nibal. Pero ma'ix melel lac bac'tyal cha'an lac cha'len lac tsuculel. Ti aq'uentiyonla lac bac'tyal cha'an tsictiyic i ñuclel lac Yum. Ti ajq'ui lac bac'tyal cha'an i c'an lac Yum.

14 Ch'ach bajche' Dios ti tyeche loq'uel lac Yum ba'an sajtyemo' b' ch'ach je'el mi quejel i tye-jch'isañonla loq'uel ba'an sajtyemo' b' cha'an ti i p'atyalel.

15 ¿Mach ba la' wujil isujm añetla ti' bac'tyal Cristo ti jujuntiquiletla? ¿Mu' ba c' c' bac'tyal i cha'an b' lac Yum cha'an mi yajñel yic'ot i bac'tyal x'ixic i tsuculel b' mi' cha'len mu' b' i choñe' i b', che' jini? Mach uts'atic.

16 ¿Mach ba la' wujil isujm jini mu' b' i y'ac' i b' ti pejcantyel ti x'ixic mu' b' i chon i b', juntiquil jach i bac'tyal mi yajñel yic'ot? Como ts'ijbubil ti'

t'an Dios mi y_Λ: Jini cha'tiquil mi yajñel ti jump'ej jach i b_Λc'tyal yubil.

17 Pero jini mu' b_Λ i y_Λc' i b_Λ ti lac Yum mi yajñel ti juntiquil jach yic'ot lac Yum cha'an ti Ch'ujul b_Λ i Ch'ujlel Dios.

18 Mach la' saj jac' la' cha'len la' tsuculel, che' jini. Ma'ix mulil mu' b_Λ más ac' ti asiyel lac b_Λc'tyal che' bajche' jini mulil.

19 ¿Mach ba la' wujil isujm la' b_Λc'tyal i tem-ploj_Λch Ch'ujul b_Λ i Ch'ujlel Dios tsa'ix b_Λ i y_Λq'ueyonla Dios? Mi yajñel Ch'ujul b_Λ i Ch'ujlel Dios ti jatyetla. Mach la' bajñel cha'anic la' b_Λc'tyal.

20 Como Dios ti' mañ_Λyetla ti ñoj lets b_Λ i tyojol. Jin cha'an yom mi la' tsictisan i ñucl_Λel Dios cha'an ti la' b_Λc'tyal yic'ot ti la' pusic'al. Como i cha'añ_Λch Dios lac b_Λc'tyal yic'ot lac pusic'al.

7

T'an cha'an ñujpuñel

1 Wale mic ts'ijbubeñetla cha'an mic jac'beñetla jini tsa' b_Λ la' c'ajtibeyon ti jun. Melel_Λch, weñ_Λch che' mach'an mi' p_Λye' yijñam winic.

2 Pero cha'an ma'ix mi' cha'len i tsuculel yom jujuntiquil i p_Λye' yoque yijñam b_Λ. Jujuntiquil x'ixic yoque i ñoxi'al b_Λ.

3 I ñoxi'al jini x'ixic, i yijñam jini winic yom i ch'ujbibeñob i b_Λ cha'an mi yajñel bajche' yom cha'an i ñoxi'al_Λch cha'an i yijñam_Λch.

4 I yijñam mach i yumic i bajñel b_Λ i b_Λc'tyal como i cha'añ_Λch je'el i ñoxi'al. Ch'_Λch je'el i ñoxi'al mach

i bajñel yumic i bΛc'tyal pero i cha'añΛch yijñam je'el.

⁵ Mach yom i cΛy i ch'ujbibeñob i bΛ. Jini jach mi ti poj bajñel lajayob i t'an cha'an puro oración mi' cha'leñob. Ti wi'il mi' cha' ch'ujbibeñob i bΛ cha'an ma'ix mi yΛq'uen i yotsañob i mul Satanás che' mach ch'ujbi i bajñel tic'ob i bajñel i bΛ.

⁶ Mach'an mi cΛe' mi wersa yom mi la' pΛye' la' wijñam pero ch'ujbiyΛch mi la' wom.

⁷ Joñon com añeticla mu' bΛ la wajñel che' bajche' añon. Pero ti chajb ti chajb bajche' ti yΛq'ueyonla la cajñel Dios.

⁸ Mic subeñob jini max tyo bΛ ba'an i yijñam i ñoxi'al yic'ot meba' 'ixicob: Más wen mi mach'an ti' pΛyΛ yijñam, mi mach'an mi pΛjyel ti winic. Che' bajche' añon.

⁹ Pero mi mach ch'ujbi i tic' i bΛ, la' i pΛye' yijñam, la' pΛjyic ti' ñoxi'al jini x'ixic, che' jini. Como más wen mi ti pΛyΛ yijñam mi ti pΛjyi ti' ñoxi'al jini x'ixic. Mach wen che' muc' jach i wersa mulan ti' pusic'al i cha'len i tsuculel.

¹⁰ Pero mic xiq'ue' jini tsa'ix bΛ i tyajayob i bΛ cha'an mach i cΛye' i ñoxi'al jini x'ixic. Mach c cha'anic ili mandar. Lac YumΛch ti yΛΛ che' ñac bΛ tsajni wΛ' ti mulawil.

¹¹ Pero mi ti' cΛyΛ i ñoxi'al jini x'ixic yom i bajñel ajñel o yom i cha' majlel ba'an i ñoxi'al. ChΛ'Λch je'el jini winic mach yom i cΛy i yijñam.

¹² Jini yaño' bΛ mic subeñob bajche' mic bajñel pensalin mi chΛ'Λch yom lac Yum. Como mach'an ti yΛΛ lac Yum che' ñac wΛ' an ti mulawil. Mi anix yijñam juntiquil winic che' ti queji i ch'ujbin i t'an Dios, mi ma'ix mi' ch'ujbin i t'an Dios i yijñam, pero

mi yom bej ajnic jini x'ixic yic'ot i ñoxi'al mach yom i caye' yijñam cha'an ti caj mach'an ochem ti' t'an Dios.

13 Mi an i ñoxi'al juntiquil x'ixic che' ti queji i ch'ujbin i t'an Dios, mi ma'ix mi' ch'ujbin i t'an Dios i ñoxi'al, pero mi yom bej ajnic jini winic yic'ot i yijñam mach yom i caye' i ñoxi'al cha'an ti caj mach'an ochem ti' t'an Dios.

14 C'o'ojl mu' tyo quejel i ch'ujbin Dios i ñoxi'al che' mi yajñel yic'ot yijñam ochem bΛ ti' t'an Dios. C'o'ojl mu' tyo quejel i ch'ujbin Dios i yijñam che' mi yajñel yic'ot i ñoxi'al ochem bΛ ti' t'an Dios. Mi ti' cΛyΛyob i bΛ ame ma'ix mi quejel i ch'ujbin i t'an Dios i yalobilob.

15 Pero mi wersa yom i loq'uel jini mach bΛ ba'an ochem ti' t'an Dios ba'an jini ochem bΛ mi yijñam o mi i ñoxi'al, la' loq'uic.

16 Hermana x'ixic, ¿bajche'qui ma' ña'tyan jixcu mi mu' tyo quejel i ch'ujbin i t'an Dios a ñoxi'al je'el che' mi yajñel awic'ot? Hermano, ¿bajche'qui ma' ña'tyan jixcu mi mu' tyo quejel i ch'ujbin i t'an Dios a wijñam je'el che' mi yajñel awic'ot? C'o'ojl mu' tyo quejel i ch'ujbin.

17 La' bej ajnic ti jujuntiquil che' bajche' an che' ñac max tyo ti' pΛyΛ Dios cha'an i ch'ujbin. Che' bajche' lac Yum ti yΛq'ue i yajñel che' yom tyo bej ajnic. ChΛ^ach mic tyumbiñob pejtyel ochemo' bΛ ti' t'an Dios ba'ical jach añob.

18 Mi Dios ti' pΛyΛ juntiquil cha'an i ch'ujbin Dios che' wΛ tsepelix i pΛchΛlel chΛ^ach yom mi yajñel. Mi Dios ti' pΛyΛ che' max tyo tsepelic i pΛchΛlel mach yom i yac' ti tsepol i pΛchΛlel.

19 Ma'ix ch_Λ b_Λ mi' cha'len che' tsepel o mi mach tsepel lac p_Λch_Λlel. Pero jini yom b_Λ mi lac cha'len jiñ_Λch ch_Λ b_Λ yom Dios.

20 Ti jujuntiquil hermano yom i bej ajñel bajche' an che' ñac max tyo ti' p_Λy_Λ Dios cha'an i ch'ujbin.

21 Mi añet ti a yum ti lolon troñel jach che' ñac ti' p_Λy_Λyet cha'an a ch'ujbin Dios, mach a pensalin. Pero mi añ_Λch bajche' ma' loq'uel ti lolon troñel jach, loq'uen, che' jini.

22 Jini lolon ajtroñel jach b_Λ che' ñac ti' p_Λjyi cha'an i ch'ujbin lac Yum, wale librejix an cha'an ti lac Yum aunque chucul tyo ti troñel i cha'an b_Λ mulawil. Ch_Λ'_Λch je'el jini libre am b_Λ quixtyañu che' ñac ti p_Λjyi wale lolon ajtroñel jach i cha'an b_Λ Cristo yubil.

23 Dios ti' mañ_Λyetla ti ñoj lets b_Λ i tyojol. Mach la' w_Λc' la' b_Λ la' yumin quixtyañu. Jini jach mi la' yumin Dios.

24 Jini cha'an hermañujob bej ajñenla che' bajche' añetla che' max tyo ti' p_Λy_Λyetla Dios.

25 Ma'ix aq'uebilon mandar ti lac Yum cha'an jini max tyo b_Λ ti' p_Λy_Λ yijñam. Pero mi c_Λle' bajche' mic ña'tyan como tsa'ix i p'unty_Λyon lac Yum. Ch'ujbi la' ch'ujbibeñon c t'an.

26 Mic ña'tyan wen mi yajñel quixtyañu che' bajche' an che' ma'ix yijñam che' ma'ix i ñoxi'al jini x'ixic. Como ch_Λncol lac ñusan wocol wale iliya.

27 Mi añ_Λch a wijñam mach a c_Λye'. Mi ma'ix a wijñam mach a jop' a p_Λy.

28 Pero mach mulilic mi ti a p_Λy_Λ a wijñam. Mi ti' jac' _Λ i p_Λyol xc'al_Λ, ma'ix i mul. Pero mi quejel i más ñusañob wocol w_Λ' ti mulawil jini am b_Λ yijñam

am b_Λ i ñoxi'al. Com che' ma'ix mi la' más ñusan wocol.

²⁹ Hermañujob, jini com b_Λ c_Λl jiñ_Λch iliyi: Ma'ix jal mach aq'uebilonla tiempolel. Jini am b_Λ yijñam mach yom jini jach mi' ch_Λc pensalin i yijñam pero yom je'el i ch_Λc pensalin i cha'an b_Λ Dios.

³⁰ Jini am b_Λ i ch'Λjyemlel cha'an ajsajtyel yom mi yajñel che' bajche' mi ma'ix i ch'Λjyemlel. Jini muc'ob b_Λ ti q'uiniyel yom mi yajñel che' bajche' mi ma'ix c'ajacña yoj mi yubin. Jini mu' b_Λ i cha'len m_Λñoñel yom i cha'len che' bajche' mi mach'anix ch_Λ b_Λ ti' m_Λñ_Λ. Yomix tyo la' c'ajtisan Dios je'el.

³¹ Jini am b_Λ troñel ti m_Λñoñel choñoñel cha'an ganar mach yom jini jach mi' ch_Λc pensalin. Yom mi yajñel che' bajche' ma'ix ch_Λ b_Λ mi' tyaje'. Yom i pensalin i cha'an b_Λ Dios. Como ch_Λncox i bej l_Λq'ue' ty_Λlel yujtibal mulawil.

³² Com che' ma'ix cab_Λl ch_Λ b_Λ mi la' pensalin. Che' ma'ix i yijñam winic, mi' pensalin jini yom b_Λ lac Yum cha'an i mele' ch_Λ b_Λ mi' mulan lac Yum.

³³ Pero che' anix yijñam, mi' más pensalin i troñel w_Λ' ti mulawil yic'ot mi' pensalin i mele' ch_Λ b_Λ mi' mulan i yijñam cha'an tijicña mi yubin yijñam.

³⁴ Che' je'el mach lajal jini x'ixic am b_Λ i ñoxi'al yic'ot jini mach b_Λ ba'an i ñoxi'al. Jini mach b_Λ ba'an i ñoxi'al mi' pensalin i cha'an b_Λ lac Yum cha'an i y_Λc' i b_Λ ti Dios cha'an i cha'liben i troñel Dios ti pejtyelex i b_Λc'tyal yic'ot ti pejtyel i pusic'al. Pero jini am b_Λ i ñoxi'al mi' pensalin jini am b_Λ ti mulawil yic'ot cha'an i mele' ch_Λ b_Λ mi' mulan i ñoxi'al cha'an tijicña mi yubin i ñoxi'al.

³⁵ Mic subeñetla iliyi cha'an la' wenlel, mach cha'anix mic tiq'uetla. Mic subeñetla ili cha'an mi

la' wajñel ti wen cha'an la' cha'liben i troñel lac Yum je'el ti pejtyel la' pusic'al.

³⁶ Pero mi an juntiquil mi' ña'tyan más wen mi' tyaje' i ñoxi'al i yalobil como chancox i ñejp'an, mi jiñach más wen mi yubin ch'ujbi i yaq'uen i tyaje' i ñoxi'al. Ma'ix mi' cha'len mulil.

³⁷ Pero mi an yamb_Λ mi ma'ix mi wersa aq'uen i tyaje' i ñoxi'al i yalobil mi yubin, mi libre an mi yubin i mele' ch_Λ b_Λ yom, mi chancox i pensalin mach i yac'Λ i yalobil, weñach je'el mi' cha'len.

³⁸ Che' jini, jini mu' b_Λ i yac' i yalobil cha'an mi yajñel yic'ot i ñoxi'al wen mi' cha'len. Jini mach b_Λ ba'an mi yac' i yalobil más wen mi' cha'len.

³⁹ Jini x'ixic am b_Λ i ñoxi'al c'ΛΛΛ añach ti' wenta i yajñel yic'ot i ñoxi'al che' cuxul tyo i ñoxi'al. ChΛ'ach an ti mandar. Mi ti sajti i ñoxi'al libre an jini x'ixic cha'an i tyaje' yamb_Λ winic. Pero yom ochem b_Λ ti' t'an Dios.

⁴⁰ Pero joñon mic pensalin más c'ajacña yoj mi yajñel mi mach'an mi cha' tyaje' yamb_Λ winic. Mic ña'tyan cha'an chΛ'ach yom i yale' Ch'ujul b_Λ i Ch'ujlel Dios je'el.

8

We'el aq'uebil meel jach b_Λ dios tyac

¹ Wale com c subeñetla cha'an jini tsa' b_Λ la' c'ajtibeyon cha'an we'el tsa' b_Λ ajq'ui ba'an jini meel jach b_Λ dios tyac. Melel_Λch ti pejtyelelonla la cujil isujm cha'an jini we'el tsa' b_Λ ajq'ui ba'an meel jach b_Λ dios tyac. Pero lac ña'ty_Λbal mi yaq'ueñonla lac más chan isan lac b_Λ. Che' mi lac p'untyan lac b_Λ mi yaq'ueñonla lac más xuc'ty_Λl ti' t'an Dios.

2 Jini mu' b_Λ i lolon ña'tyan wen yujil, max tyo mi' ña'tyan bajche' yom i wen ña'tyan.

3 Pero Dios mi' c_Λñe' jini quixtyañu mu' b_Λ i p'untyan Dios.

4 Che' jini, cha'an i c'uxol jini we'el tsa' b_Λ ajq'ui ba'an jini melez jach b_Λ dios tyac, la kujil_Λch ma'ix i c'_Λjñibal melez jach b_Λ dios tyac. Como la kujil an juntiquil jach Dios.

5 An cab_Λl mu' b_Λ i pejc_Λntyel ti dios tyac ti chan yic'ot w_Λ' ti mulawil. Che' jini, an cab_Λl dios tyac yubil yic'ot cab_Λl yum_Λlob.

6 Aunque an cab_Λl diosob yubil pero cha'añonla an juntiquil jach Dios. Jiñ_Λch Dios lac Tyat. Lac Tyat ti' mele pejtyel ch_Λ b_Λ tyac an. Dios ti y_Λc'onla cha'an mi la cajñel yic'ot. An juntiquil jach lac Yum. Jiñ_Λch Jesucristo. Cha'an ti Jesucristo an pejtyel ch_Λ b_Λ an ti mulawil. Cha'an ti Jesucristo an laj cuxty_Λlel je'el.

7 Pero mach ti pejtyelel hermañujob yujil isujm mach b_Λ ba'an cuxul jini melez jach b_Λ dios tyac. An jini ñ_Λm_Λl b_Λ i ch'ujutisan dios tyac ti yamb_Λ ora. C'_Λl_Λl wale mi' lolon pensalin yoque i cha'añ_Λch dios tyac mi' lolon c'uxob che' mi' c'uxob jini aq'uebil ba'an melez jach b_Λ dios tyac. Mi quejel ti' bajñel t'an i pusic'al che' bajche' mi añ_Λch i mul mi lolon yubin mi ti' c'uxu we'el aq'uebil b_Λ ba'an melez jach dios tyac. Como mach'an xuc'ul i pusic'al.

8 Tsiquil_Λch ma'ix mi' q'uelonla Dios ti wen cha'an ti caj ch_Λ b_Λ mi laj c'uxe'. Ma'ix más wen mi' q'uelonla cha'an ti ch_Λ b_Λ mi laj c'uxe'. Ma'ix mi' q'uelonla ti mach wen mi mach'an ti laj c'uxu.

⁹ Yom jach a q'uel a b_Λ cha'an mach a w_Λq'uen i yotsan i mul juntiquil hermañu mach b_Λ ba'an xuc'ul ti' t'an Dios cha'an ti caj libre añet a c'uxe' ch_Λ b_Λ jach ma' c'uxe'.

¹⁰ La' lac poj al: Jatyet mu' b_Λ a ch'Λm'en isujm ma'ix ch_Λ b_Λ mi' cha'len che' ma' c'uxe' we'el aq'uebil b_Λ ba'an melez jach b_Λ dios tyac. Ma' buchty_Λ ti uch'el ti mesa ba' mi' c'uxob jini tsa' b_Λ ajq'ui ba'an i dios tyacob. Che' jini juntiquil hermañu mach b_Λ ba'an xuc'ul ti' t'an Dios mi yilañet. C'o'ojl mi quejel i c'uxe' jini we'el je'el aunque ch_Λncol tyo i ña'tyan i cha'añach melez jach b_Λ dios tyac.

¹¹ Che' jini jatyet mu' b_Λ a ch'Λm'en isujm ma' w_Λq'uen i cha'len mulil juntiquil hermañu mach b_Λ ba'an xuc'ul ti' t'an Dios cha'an ti caj ti a c'uxu jini we'el. Cristo ti sajti cha'an jini hermañu je'el.

¹² Che' ma' w_Λq'uen i cha'len t'an i pusic'al cha'an ti caj ti' pensali mach yom laj c'uxe' jini we'el mi yubin jini mach b_Λ ba'an xuc'ul b_Λ hermañujob ch_Λncox a cha'len mulil ti' contra Cristo che' jini.

¹³ Jin cha'an mi ch_Λncox c_Λc' i yotsan i mul juntiquil quermañu cha'an ti caj jini mu' b_Λ j c'uxe' más wen ma'ix ba' b_Λ ora mic cha' c'uxe' we'el cha'an ma'ix mi c_Λq'uen i cha'len mulil.

9

Jini ch'ujbi b_Λ i cha'len jini yajc_Λbil b_Λ ajsubt'añob ñumel

¹ Tsiquil libre añon. Tsiquilach ch'ujbi c cha'len mu' b_Λ i cha'len yaño' b_Λ yajc_Λbilo' b_Λ ajsubt'añob ñumel. Como tsa'ix quil_Λ Jesús lac Yum je'el. Che'

je'el ti la' ch'ujbi lac Yum cha'an tic cha'libe i troñel ya' ba' añetla.

² Mi mach yajc**Λ**bilon b**Λ** ajsubt'añon ñumel mi' q'uelon yaño' b**Λ**, pero jatyetla wersa mi la' q'uelon ti yajc**Λ**bilon b**Λ** ajsubt'añon ñumel. Tsiquil**Λ**ch ti la' ch'ujbi lac Yum cha'an tic subeyetla i t'an Dios.

³ Ch**Λ**'**Λ**ch mic subeñob che' mi' contrajiñoñob ti t'an yaño' b**Λ**:

⁴ Ch'ujbi c**Λ**q'uentyel cuch'el cha'an ti jini troñel mu' b**Λ** c cha'len.

⁵ Che' bajche' anic quijñam mi ochem ti' t'an Dios, ch'ujbi c p**Λ**ye' majlel quic'ot tic troñel je'el che' bajche' mi' cha'leñob yaño' b**Λ** yajc**Λ**bilo' b**Λ** ajsubt'añob ñumel, bajche' mi' cha'len i yijts'iñob lac Yum yic'ot je'el Pedro.

⁶ ¿O mu' ba la' lolon ña'tyan c bajñel jach quic'ot Bernabé mach ch'ujbi lojon c sube' ñumel i t'an Dios che' mach'an mi lojon c cha'len troñel ti lojon j c'**Λ**b?

⁷ La' wujil isujm jini soldado mach'an mi' bajñel tyoje' i troñel i c'**Λ**b. Jini mu' b**Λ** p**Λ**que' ts'ujsub mi quejel i c'ux'en i wut je'el. Jini mu' b**Λ** i cosan tiñ**Λ**me' mi' jape' i ya'lel i chu' tiñ**Λ**me'.

⁸ Mach la' lolon pensalin c bajñel pensal jini. Como ch**Λ**'**Λ**ch je'el mi y**Λ**le' i mandar Moisés.

⁹ Ts'ijbubil ti mandar Moisés: Ma' ma' m**Λ**cben i ti' tyat wacax che' ch**Λ**ncol i pechic tyec' loq'uel i wut trigo. Tsiquil mach wacaxic jach mi' pensalin Dios che' ch**Λ**'**Λ**ch ti y**Λ****Λ**.

¹⁰ Pero ch**Λ**ncol i ña'tyañonla. Ti' ts'ijbunti jini mandar cha'an lac wenlel. Jini mu' b**Λ** i pique' lum yic'ot jini mu' b**Λ** i x**Λ**ñic' tyec' loq'uel i wut trigo junlajal mi' pijty**Λ**ben i wut mu' b**Λ** quejel i tyajty**Λ**.

11 ¿Bajche' ma' wale' che' jini? ¿Mach ba yomic mi lojon cΛq'uentyel lojon j cotyΛntyel ti chΛ bΛ yom bΛ lojon c cha'an che' tsa'ix lojon c cha'le pac' yubil che' ñac tic subeyetla i t'an Dios?

12 ¿Mi yaño' bΛ mi ch'ujbi i yΛq'uentyel i cotyΛntyel mach ba más tyo yom mi lojon cΛq'uentyel j cotyΛntyel mi la' wale'? Pero mach'an ti lojon c ch'ΛmΛ lojon j cotyΛntyel ya' ba' añetla. Ti lojon c ñusa wocol ti troñel cha'an mach'an mi lojon c mΛctyΛbeñetla la' ch'ujbin jini wen bΛ t'an cha'an Cristo.

13 La' wujil isujm jini muc'ob bΛ ti troñel ti templo ti aq'uentiyob i yuch'el cha'an ti i cha'leyob troñel ti templo ti ñoj oniyix. Jini tsa' bΛ i pulbeyob i majtyan Dios ya' ti i yajñib ya' ti templo ti aq'uentiyob i c'ux lamital jini we'el tsa' bΛ aq'uenti cha'an i majtyan Dios.

14 ChΛ'Λch je'el lac Yum ti' xiq'ui cha'an mi yΛq'uentyel chΛ bΛ jach yom bΛ i cha'añob aj-subt'añob cha'an ti' subol jini wen bΛ t'an cha'an laj cotyΛntyel.

15 Pero ma'an ba' bΛ ora tij c'ajti chΛ bΛ jach yom bΛ c cha'an ya' ba' añetla aunque ch'ujbi j c'ajtin che' ñac tic subeyetla i t'an Dios. Mach'an mic ts'ijbubeñetla ili t'an cha'an mic xiq'uetla cha'an cΛq'uentyel chΛ bΛ yom c cha'an. C'ajacña coj mi cubin che' ti majtyan jach mic subeñetla i t'an Dios. Mux c chilbentyel c'ajacña bΛ coj mu' bΛ cubin mi ti tyojleyon. Más wem mi ti sajtiyon mi cubin che' jini.

16 Mach'an mic sube' jini wen bΛ t'an cha'an laj cotyΛntyel cha'an jach com c chan isan c bΛ. Como

an tic wenta c sube' majlel. Como p'ump'uñon mi mach'an mic sube' majlel i t'an Dios.

17 Jin cha'an che' mic sube' majlel i t'an Dios cha'an ch'ach com, añach c tyojol che' jini. Pero mi wersa mic xijq'uel c sube' majlel tsa'ix i yac'on tic wenta Dios c sube' majlel i t'an.

18 Che' jini c'ajacña coj mi cubin che' ma'ix mij c'ajtin i tyojol che' mic sube' majlel i t'an Dios cha'an laj coty'antyel. Aunque ch'ujbi c ch'ame' i tyojol che' mic sube' i t'an Dios cha'an ch' b' jach yom c cha'an, ma'ix mij c'ajtin.

19 Aunque mach'añonix ti' wenta yamb' quixtyañu pero tsa'ix cots' c b' ti' wenta yubil cha'an más mi' tyajob i coty'antyelob ti Cristo.

20 Che' ya' añon ba' añob lojon c pi'lob jini israelo' b' mi cajñel bajche' israelon cha'an mij coty'añob i tyajob i coty'antyelob. Aunque mach wersajic mic ch'ujbiben jini mandar i cha'an Moisés pero mic ch'ujbiben cha'an mi quejel i coty'antyelob je'el lojon c pi'lob.

21 Pero che' añon ya' ba'an jini mach b' ba'an mi' ch'ujbiben i mandar Moisés mi cajñel bajche' mi yajñelob cha'an mi quejel i coty'antyelob je'el, aunque an tic wenta c ch'ujbiben i mandar Dios como wale añon tic wenta i mandar Cristo.

22 Che' ya' añon ya' ba'an jini mach b' ba'an xuc'ul ti t'an Dios mach'an mi cajñel che' bajche' mi wen xuc'ulon cha'an mij cotyan i tyajob i coty'antyel je'el. Ba'ic jach añon junlajal mi cajñel bajche' añob cha'an an jini mu' b' i tyajob i coty'antyel ba'ic jach añob.

23 Mi cajñel bajche' añob cha'an mi ch'ujbintyel jini wen b' t'an cha'an laj coty'antyel yic'ot cha'an

mic tyaj pejtyelel ch_Λ b_Λ jach wen cha'an ti' subol i t'an Dios.

²⁴ La' wujil che' mi' cha'leñob ajñel, ti pejtyelelob mi' cha'leñob ajñel cha'an mi' tyajob i majtyan. Pero juntiquil jach mi' tyaje' i majtyan cha'an ti' ganari. Cha'lenla wersa cha'an la' tyaje' la' majtyan ty_Λlem b_Λ ti lac Yum.

²⁵ Pejtyel jini x'alas yom b_Λ i chajpan i b_Λ i ganarin ti alas mi' c_Λyob jini mu' b_Λ i m_Λcty_Λbeñob i p_Λty_Λlel i ganarin. Jini x'alas mi' cha'len wersa cha'an mi' ch'ame' i majtyan yujil b_Λ i jilel. Pero joñonla mi lac cha'len wersa cha'an lac tyaje' lac majtyan mach b_Λ yujil jilel.

²⁶ Pero joñon mach lolomic jach mic cha'len ajñel yubil. Mic cha'len ajñel che' bajche' juntiquil yujil b_Λ ba' mi quejel i majlel. Mach che'ic jach muc'on bajche' mic lolon s_Λc_Λ jats' ic' pero muc'on ti wersa jats' yubil che' muc'on ti wersa ti i troñel lac Yum.

²⁷ Pero joñon mic tic' c b_Λ cha'an ma'ix mic cha'len mulil ame ma'ix mic ganarin c majtyan aunque tsa'ix c_Λntis_Λyob yaño' b_Λ.

10

Tic'ol cha'an melej jach b_Λ dios tyac

¹ Com mi la' ch'am'en isujm, hermañujob, cha'an lac yumob ti ñoj oniyix. Ti pejtyelelob ti c_Λñ_Λty_Λntiyob ti jini tyocal tsa' b_Λ i y_Λc'Λ Dios. Ti' p_Λs'e' majlel i bijlel jini tyocal. Ti pejtyelelob ti' c'axiyob ti yoc ti colem joyol b_Λ ja' Ch_Λch_Λc Ja' b_Λ i c'aba'.

² Ti pejtyelelob ti motin ajniyob ti junmujch' yic'ot Moisés tsa' b_Λ i p_Λy_Λyob majlel che' ñac ti'

pʌs'eyob majlel i bijlel tyocal che' ñac ti motin c'axiyob ti xiñil jini ja'.

³ Chʌ'ʌch je'el junlajal ti' c'uxuyob jini tsa' bʌ aq'uentiyob ti Dios cha'an i c'uxob.

⁴ Ti pejtyelelob junlajal ti' japʌyob jini jach bʌ ja' aq'uebil bʌ ti Dios. Como ti' japʌyob jini ja' tsa' bʌ i loq'ui tyʌlel ti mal tyun. Jini tyun tsa' bʌ i pi'le majlel ti bij jiñʌch Cristo yubil.

⁵ Aunque cabʌl ti' pʌs'enti i señaʌlel i pʌtyʌlel Dios pero casi ti' pejtyelelob ti' cha'leyob mach bʌ ba'an mi' mulan Dios. Jin cha'an ti' sajtiyob ya' ti jochol bʌ lum.

⁶ Pejtyel jini ti' ts'ijbunti cha'an laj cʌntisʌntyel cha'an mach'an mi' lac lolon cha'len simaronlel bajche' ti' cha'leyob lac yumob ti' ñoj oniyix.

⁷ Jin cha'an ma' mi' la' ch'ujutisan melel jach bʌ dios tyac che' bajche' ti' cha'leyob cabʌlob. Che' bajche' mi' yʌl Ts'ijbubil bʌ i T'an Dios: Jini quixtyañujob ti' buchleyob ti' uch'el. Che' jini ti' queji i melob q'uiñejel cha'an melel jach bʌ i dios.

⁸ Mach yom mi' lac cha'len tsuculel che' bajche' ti' cha'leyob cabʌlob. Ti' caj i tsuculelob cha'an ti' pejcʌyob yambʌ x'ixic ti' sajtiyob veintitrés milob ti' jump'ej jach q'uin.

⁹ Ma' mi' la' ch'ʌm ti' la' wʌlas lac Yum che' bajche' ti' cha'leyob cabʌlob ti' ñoj oniyix. Ti' caj jini, yonlel ti' sajtiyob che' ñac ti' c'uxleyob ti' lucum.

¹⁰ Ma' mi' la' cha'len t'an ti' contra Dios che' bajche' ti' cha'leyob cabʌlob ti' ñoj oniyix. Ti' caj t'an ti' contra Dios, ti' tsʌnsʌntiyob ti' ajtroñel i cha'an Dios ch'oyol bʌ ti' panchan tsa' bʌ xijq'ui i tsʌnsañob.

11 Pejtyel tyac iliyi ti ujti ti' tyojlelob lac yumob ti ñoj oniyix cha'an i seña'jlel mach che'ic yom i bej cha'leñob i pi'lob. Ti' ts'ijbunti ti' Ts'ijbubil b_Λ i T'an Dios cha'an laj c_Λantis_Λntyel añon b_Λ la ti jini yujtibal b_Λ q'uin tyac majlel cha'an mach'an mi lac cha'len che' bajche' ti' cha'leyob.

12 Jin cha'an c_Λñ_Λtyan a b_Λ mu' b_Λ a ña'tyan xuc'ulet ma' wajñel ame ma' wotsan a mul.

13 Jini p_Λjyel ti mulil mu' b_Λ la' wilan lajal bajche' mi' ñusan yaño' b_Λ je'el. Pero xuc'ulach i pusic'al Dios. Ch'ujbi lac ch'ujbin Dios cha'an mach'an mi y_Λq'ueñonla lac ñusan más p'aty_Λ b_Λ lac xic'ol ti mulil che' bajche' ch'ujbi laj cuche'. Pero che' mi lac p_Λjyel ti mulil Dios mi quejel i y_Λq'ueñonla lac ña'tyan bajche' ch'ujbi lac loq'uel cha'an weñach mi la cajñel.

14 Jin cha'an p'unty_Λbil b_Λ hermañujob, ma' mi la' ch'ujutisan melel jach b_Λ dios tyac.

15 Mic pejcañetla bajche' quixtyañujob mu' b_Λ i ña'tyan. Bajñel pensalinla i sujmler ch_Λncox b_Λ c subeñetla.

16 Che' much'quibilonla mi lac suben Dios wocox i y_Λla cha'an jini mu' b_Λ quejel la cape' ti yorojlel ch'ujul b_Λ uch'el. I seña'jlel che' mi la cape' cha'an mi lac motin ajñel la quic'ot Cristo cha'an ti' ch'ich'el Cristo tsa' b_Λ i beque che' ñac ti joc'le ti cruz. Jini waj mu' b_Λ lac xet'e' cha'an laj c'uxe', i seña'jlel mi lac motin ajñel la quic'ot Cristo cha'an ti' b_Λc'tyal Cristo tsa' b_Λ i y_Λc'la cha'an laj coty_Λntyel.

17 Aunque cab_Λlonla pero mi lac lu' c'uxe' ti mismo jini jach b_Λ waj. Junq'uej jach jini waj.

Jin cha'an, cha'an ti laj c'uxu junq'uej jach b Δ waj juntiquilon jach la yubil.

¹⁸ La' lac poj ña'tyan jini lojon c pi' Δ lob israelo' b Δ . Jini ti' c'uxuyob jini we'el aq'uebil b Δ Dios ti yajnib pulem b Δ i majtyan. Junlajalob i pensal cha'an lajal ti' ch'ujutisayob Dios.

¹⁹ Mach com c Δ l an i c' Δ jnibal melez jach b Δ dios tyac. Ma'ix más an i c' Δ jnibal we'el aq'uebil dios tyac che' bajche' ba'ical jach b Δ yamb Δ we'el.

²⁰ Ch Δ ncol c Δ le' jini mach b Δ ba'an mi' c Δ ñe' Dios che' mi y Δ q'uen we'el cha'an i majtyan i dios mi y Δ q'uen i majtyan xibajob. Mach Diosic mi y Δ q'uen. Mach com mi la' motin c'uxe' yic'otyob i cha'an b Δ xibajob.

²¹ Mach ch'ujbi lac jape' i cha'an b Δ lac Yum che' yic'ot i cha'an b Δ xiba. Mach ch'ujbi la' cha'len uch'el cha'an i ña'ty Δ ntyel lac Yum che' ch Δ ncol la' cha'len uch'el cha'an i ña'ty Δ ntyel i cha'an b Δ xiba.

²² Mach yom mi la c Δ c' ti mich'an lac Yum. Como ma'ix más p' Δ ty Δ lonla bajche' lac Yum.

Cha'an i librejlel yic'ot i p'untyaya ochemo' b Δ

²³ Melez Δ ch che' bajche' mi y Δ lob: Librejix a Δ onla lac mele' ch Δ b Δ jach la com, che'en. Pero ma'ix lu' an i c' Δ jnibal. Librejix a Δ onla lac mele' ch Δ b Δ jach la com pero ma'ix mi' lu' cotya Δ ob i yaj Δ nel ti más wen ti lac Yum.

²⁴ Mach yom mi lac pensalin i baj Δ nel jach lac baj Δ nel wenlel. Pero yom mi lac ña'tyan je'el i wenlel ya Δ no' b Δ .

²⁵ Libre a Δ etla a c'uxe' ch Δ b Δ jach mi' cha' cho Δ ob ti mercado che' ma'an mi la' ñaxan c'ajtin

mi tsa'ix aq'uenti melez jach b_Λ dios tyac cha'an mach'an ch_Λ b_Λ mi quejel i y_Λle' a pusic'al.

²⁶ Como ili mulawil yic'ot pejtyel i b_Λ je'el lu' i cha'añ_Λch lac Yum.

²⁷ Mi juntiquil mach b_Λ ba'an ochem ti' t'an Dios mi' p_Λyetla ti q'uin mi la' wom majlel c'uxula ch_Λ b_Λ jach mi' p_Λs'eñetla. Ma' ma' c'ajtin mi aq'uebil dios tyac cha'an ma'ix ch_Λ b_Λ mi y_Λle' a pusic'al.

²⁸ Anqui majch ti' subetla: Ili we'el tsa'ix ajq'ui ba'an melez jach b_Λ dios tyac, che'en, mach a c'uxe', che' jini. Cha'an mach a w_Λq'uen i ch'_Λjyemlel i pusic'al jini tsa' b_Λ i subeyet cha'an ma'ix ch_Λ b_Λ mi quejel i y_Λle' i pusic'al.

²⁹ Ch_Λncol c_Λle' cha'an mi quejel ti' t'an i pusic'al jini tsa' b_Λ i subeyet. Mach a pusic'alic como ma'an ch_Λ b_Λ mi' cha'len. C'o'ojl an majchqui mi quejel i c'ajtibeñet: ¿Chucoch mi q'uejlel ti mulil jini mu' b_Λ c mel ti pejtyel c pusic'al cha'an jach ti' t'an i pusic'al yamb_Λ?

³⁰ Mi tij c'uxu ti yutslel c pusic'al, ¿chucoch mi c_Λjlel ti xmulil cha'an jini tsa' b_Λ j c'uxu che' ñac tic sube Dios wocox y_Λl_Λ?

³¹ Jin cha'an mi an ch_Λ b_Λ mi la' jape' mi an ch_Λ b_Λ mi la' c'uxe' o ch_Λ b_Λ jach mi la' cha'len, lu' cha'lenixla cha'an mi sujbel i ñucllel Dios.

³² Ma' ma' w_Λq'uen i yotsan i mul yamb_Λ cha'an ti caj ch_Λ b_Λ jach ma' cha'len, mi jinic lojon c pi'_Λlob jini israelo' b_Λ, mi jinic la' pi'_Λlob jini mach'_Λ israel b_Λ o mi jinic ochem b_Λ ti' t'an Dios.

³³ Ch_Λ'_Λch mic cha'len. Mic jop' c mele' mu' b_Λ i mulañob pejtyelelob ti ch_Λ b_Λ jach mic mele'. Mach c bajñel c wenlel mic pensalin pero i cha'añ_Λch yaño' b_Λ cha'an mi coty_Λntyelob.

11

1 T'uñu majlel bajche' mic cha'len che' bajche' mic t'un majlel Cristo je'el.

Jiñach bajche' yom mi yajñel x'ixicob ti culto

2 Hermañujob, weñach chancox la' cha'len como chancox la' chac c'ajtisañon. Mi la' lu' ch'ujbiben jini mandar tsa' b_Λ j cantisayetla.

3 Pero com mi la' ch'Λm'en isujm Cristo i yumach jujuntiquil winic. I ñoxi'al i yumach x'ixic. Che' bajche' je'el Dios i Yumach Cristo.

4 Ma'ix mi' q'uel ti ñuc i yum yubil mi ti' moso i jol winic che' mi' cha'len oración ti culto o che' mi' sube' t'an tsa' b_Λ ajq'ui ti Dios.

5 Pero mi ma'ix mi' mose' i jol x'ixic che' mi' cha'len oración o che' mi' sube' t'an tsa' b_Λ ajq'ui ti Dios ma'ix mi' q'uel ti ñuc i yum yubil. Lajal quisintic bajche' mi lu' se't'elix i jol.

6 Mi mach'an mi' mose' i jol x'ixic más wen mi lu' set'el i jol. Pero mi quisintic mi yubin x'ixic che' lu' set'elix i jol o mi josibilix che' jini yom i mose' i jol.

7 Mach yom i mose' i jol winic como ti ajq'ui winic che' bajche' an Dios. Mi' tsictisan i ñuclél Dios. Pero jini x'ixic mi' tsictisan i ñuclél winic.

8 Che' ñac Dios ti yac'Λ winic mach'an loq'uem winic ti x'ixic ti' mele. Pero loq'uem x'ixic ti winic.

9 Dios mach'an ti yac'Λ winic cha'an i wenlel x'ixic pero ti yac'Λ x'ixic cha'an i wenlel winic.

10 Jin cha'an yom i mose' i jol x'ixic. I señañlel cha'an tsiquil añach ti' wenta winic. Cha'an je'el weñach mi' q'uele' ajtroñelob i cha'an Dios ch'oyolo' b_Λ ti panchan.

11 Pero che' ochemonla ti lac Yum mi lac ña'tyan junlajal i c'ajñibal winic x'ixic. Como mach bajñel ajn winic che' ma'an x'ixic. Mach bajñel ajn x'ixic che' ma'an winic.

12 Como melel Δ ch loq'uem x'ixic ti winic. Pero melel Δ ch je'el mi ch'oc an winic cha'an ti x'ixic.

13 Jatyetla mi la' bajñel pensalin mi weñ Δ ch che' mi' pejcan Dios ti oración che' ma'ix i mosil i jol x'ixic.

14 Mi lac bajñel ña'tyan je'el quisintic che' tyam i jol winic.

15 C'otyajax che' tyam i jol x'ixic. Como aq'uebil tyam b Δ i jol cha'an i mosil i jol.

16 Pero mi an majch yom i cha'len t'an ti' contra ili t'an yom i ña'tyan mi joñonic lojon mi jini ochemo' b Δ ti' t'an Dios mi lojon j c Δ ñe' yamb Δ costumbre.

Mach' Δ wen tsa' b Δ i cha'leyob ti ch'ujul b Δ uch'el i cha'an lac Yum

17 Pero cha'an jini mu' b Δ quejel c ts'ijbubeñetla: Mach ch'ujbi c Δ le' tijicñayon cha'an bajche' mi la' cha'len. Como mach wen ch Δ ncol la' cha'len che' mi la' much'quin la' b Δ . Ma'ix mi la' más wen'an. Mach wen mi la' wajñel che' mi la' much'quin la' b Δ .

18 Che' je'el mi' subeñoñob che' mi la' much'quin la' b Δ cha'an la' mele' culto mach junlajal la' pensal mi la' wajñel. Mic ña'tyan lamital melel Δ ch bajche' mic subentyel.

19 Melel Δ ch yom che' mach junlajal la' pensal mi la' wajñel cha'an mi tsictiyel majchqui yoque ochem ti' t'an Dios ya' ba' añetla.

20 Che' mach junlajal la' pensal mi la' wajñel mach yoque ch'ujul b_Λ uch'el i cha'an b_Λ lac Yum mi la' c'uxe' che' mi la' much'quin la' b_Λ ti uch'el.

21 Como ti yorojlel uch'el an jini mu' b_Λ i wa' bajñel c'uxe' tsa' b_Λ i bajñel ch'Λm_Λ tyalel. An yamb_Λ mach'Λ jas_Λl mi tyajty_Λl. Jinic tyo an jini wi'ñal b_Λ ti c_Λyle. Yamb_Λ mi' q'uixñan.

22 ¿Mach'a ba'an la' wotyot ba' yom mi la' cha'len uch'el? Che' mi la' cha'len jini mach b_Λ wen ma'an mi la' saj q'uel ti ñuc ochemo' b_Λ ti' t'an Dios, che' jini. Mi la' w_Λc' ti quisnil jini p'ump'uño' b_Λ. ¿Ch_Λ b_Λ yom mic subeñetla? ¿Yom ba mic subeñetla wen ch_Λncox la' mele'? Mach'an mi quejel c_Λle' weñach bajche' mi la' cha'len.

Ch'ujul b_Λ i yuch'el lac Yum

(Mt. 26.26-29; Mr. 14.22-25; Lc. 22.14-20)

23 Como lac Yum ti y_Λq'ueyon c ña'tyan i sujmllel tsa' b_Λ j c_Λntis_Λyetla. Ti jim b_Λ ac'b_Λlel che' ñac mi quejel i y_Λjg'uel lac Yum Jesús ti' c'Λb i contrajob ti' ch'Λm_Λ waj ti' c'Λb.

24 Che' ti ujti i suben Dios wocox i y_ΛΛ, Jesús ti' xet'e jini waj. Ti y_ΛΛ: C'uxula. Jiñach c b_Λc'tyal ch_Λncox b_Λ i t'oxty_Λl cha'añetla. Cha'lenla jini cha'an la' c'ajtisañon. Che' ti y_ΛΛ Jesús.

25 Ch'Λch je'el che' ujti i cha'leñob uch'el ti' ch'Λm_Λ vaso ti' c'Λb. Ti y_ΛΛ: Ili vaso i seña'jlel jini tsiji' b_Λ trato tsa'ix b_Λ xuc'le cha'an tic ch'ich'el. Jujunyajlel che' mi la' jape', jap_Λla cha'an mi la' c'ajtisañon. Che' ti y_ΛΛ Jesús.

26 Jujunyajlel che' mi la' c'uxe' ili waj, che' mi la' jape' jini am b_Λ ti ili vaso ch_Λncox la' sube' yubil

cha'an ti sajti Jesús. Ch'ach yom mi la' cha'len c'ala jintyo mi cha' tyalel lac Yum.

Jiñach bajche' yom mi lac cha'len jini ch'ujul b' uch'el i cha'an b' lac Yum

²⁷ Jin cha'an majchical jach mi' c'uxe' jini waj o mi' jape' jini am b' ti vaso i cha'an b' lac Yum che' mach'an mi' q'uele' ti ñuc Dios mi' cha'len mulil ti' contra i b'ac'tyal i ch'ich'el lac Yum.

²⁸ Jin cha'an jujuntiquil yom mi' bajñel ña'tyan ch' b' mi y'le' i pusic'al mi an i mul mi mach'an i mul che' max tyo ti' c'uxu jini waj che' max tyo ti' jap' jini am b' ti vaso.

²⁹ Como mi mach'an mi' c'ajtisan i wocol lac Yum che' mi quejel i c'uxe' jini waj mi quejel i jape' jini am b' ti vaso, mi yotsan i mul. Mi quejel i xot' i mul.

³⁰ Jin cha'an cabal c'ametla ti caj mach'an mi la' c'ajtisan i wocol lac Yum che' ti la' ch'am' jini ch'ujul b' uch'el. C'uñetla. Che' je'el añach jini tsa' b' sajtiyob.

³¹ Pero mi ti lac ñaxan c'ajtisa lac mul, che' an lac mul yom mi lac ñaxan tyoj isan lac b' che' mi quejel lac ch'ame' jini ch'ujul b' uch'el. Che' jini mach'an mi quejel i melonla lac Yum.

³² Pero che' mi' melonla lac Yum, mi' tyoj isañonla cha'an mach'an mi quejel lac xot' lac mul yic'ot jini mach b' ba'an ti' ch'ujbiyob Dios.

³³ Jin cha'an querman'ujob, che' mi la' much'quin la' b' ti ch'ujul b' uch'el, pijtyan la' b' ti uch'el.

³⁴ Mi an majch an i wi'ñal la' i cha'len uch'el ti bajñel otyot ame mi y'q'ueñetla la' ñusan wocol Dios cha'an ti caj bajche' mi la' cha'len che' mi la'

much'quin la' b_Λ. Mu' tyo c_Λle' jini yan tyac b_Λ che' mij c'otyel ya' ba' añetla.

12

Laj c'ajñibal mu' b_Λ i y_Λq'ueñonla Ch'ujul b_Λ i Ch'ujlel Dios

¹ Hermañujob, an jini com b_Λ la' ch'Λm'en isujm cha'an laj c'ajñibal tsa' b_Λ aq'uentiyonla cha'an ti Ch'ujul b_Λ i Ch'ujlel Dios.

² Wen la' wujil isujm che' max tyo ochemetla ti' t'an Dios bajche' ti p_Λjyiyetla majlel ba'ic jach cha'an la' ch'ujutisan x'uma' b_Λ dios tyac.

³ Jin cha'an wale com la' ch'Λm'en isujm cha'an mach Ch'ujulic b_Λ i Ch'ujlel Dios mi y_Λq'uen i niq'ui subentyel Jesús ti quixtyañu. Ma'an majch ch'ujbi i y_Λle' ti pejtyel i pusic'al mi i Yum_Λch Jesús, jini jach che' an Ch'ujul b_Λ i Ch'ujlel Dios yic'ot.

⁴ Ti yila ti yilal an laj c'ajñibal mu' b_Λ la c_Λq'uentyel. Pero mismo juntiquil jach b_Λ Ch'ujul b_Λ i Ch'ujlel Dios mu' b_Λ i lu' aq'ueñonla.

⁵ Ti yila ti yilal an lac troñel. An cab_Λl jini troñel tyac pero mismo juntiquil jach b_Λ lac Yum mu' b_Λ lac cha'liben i troñel.

⁶ An cab_Λl bajche' ch'ujbi lac cha'len lac troñel pero mismo jiñ_Λch b_Λ Dios ch_Λncol b_Λ i nijc_Λbeñonla lac cha'len jini troñel ti jujuntiquilonla.

⁷ Añ_Λch bajche' mi' tsictis_Λbeñonla Dios ti jujuntiquilonla cha'an an Ch'ujul b_Λ i Ch'ujlel la quic'ot cha'an lac wenlel ti lac pejtyeel.

⁸ An jini mu' b_Λ y_Λq'uentyel i c'ajñibal i cha'len t'an ti cab_Λl i ña'ty_Λbal ty_Λlem ti Dios cha'an ti' Ch'ujul b_Λ i Ch'ujlel Dios. Yamb_Λ mi y_Λq'uentyel

cabal i ña'tyalbal cha'an mi' cha'len cantisa cha'an ti mismo jini jach b_Λ Ch'ujul b_Λ i Ch'ujlel Dios.

⁹ Yaño' b_Λ mi y_Λq'uentyel i wen ch'ujbin cha'an i mel ch_Λ b_Λ ts_Λts tyac cha'an ti mismo jini jach b_Λ Ch'ujul b_Λ i Ch'ujlel. Yamb_Λ mi y_Λq'uentyel i c'ajñibal cha'an i lajmisan xc'am'añob.

¹⁰ An jini mu' b_Λ i y_Λq'uentyel i pas ñuc b_Λ i melbal Dios. Yaño' b_Λ mi y_Λq'uentyel i c'ajñibal i sube' t'an aq'uebil ti Dios. Dios mi y_Λq'uen yaño' b_Λ i ña'tyan mi ty_Λlem t'an ti xibajob o mi ty_Λlem ti Ch'ujul b_Λ i Ch'ujlel Dios ch_Λncox b_Λ i y_Λjlel. Yaño' b_Λ mi y_Λq'uentyel i cha'len t'an ti t'an mach b_Λ ba'an mi' cañe'. Yamb_Λ mi y_Λq'uentyel i ñusan i sujmllel jini t'an mach b_Λ ba'an mi' cañob.

¹¹ Mismo jini jach b_Λ Ch'ujul b_Λ i Ch'ujlel Dios mi y_Λq'ueñonla i p'atyalel cha'an pejtyelel tyac ili mu' b_Λ lac cha'len. Ti yila ti yilal mi y_Λq'ueñonla laj c'ajñibal bajche' jach mi yajcan i y_Λq'ueñonla.

Ti lac pejtyelel añonla ti jump'ej jach bac'tyalal yubil

¹² Jump'ej jach lac bac'tyal aunque an cabal ba' chuculonla ti lac bac'tyal. Ch_Λ'ach je'el ti' bac'tyal Cristo yubil.

¹³ Jin cha'an tsa'ix lu' otsantiyonla ti jump'ej jach bac'tyalal yubil cha'an ti jini jach b_Λ Ch'ujul b_Λ i Ch'ujlel Dios che' ti lac ch'ujbi Dios mi israelonla, mi mach israelonla, mi añonla ti' wenta lac yum w_Λ' ti mulawil o mi mach añonla ti' wenta lac yum. Ti lu' aq'uentiyonla mismo jini jach b_Λ Ch'ujul b_Λ i Ch'ujlel Dios.

¹⁴ Como mach junchajp jach ch_Λ b_Λ chucul ti lac bac'tyal. Pero cabal_Λch. An cabal ba' chucul ch_Λ b_Λ

ts'uyul ti jump'ej bΛc'tyalΛ. Mach jump'ej jach jini ba' chucul.

15 Muq'uic i γΛ la coc: Ma'ix c'Λjnibal como mach c'ΛbΛonic, che'en. Jin cha'an mach añonic ti' bΛc'tyal, lolon che'en. Pero an tyo ti lac bΛc'tyal che' jini, aunque che'icΛch mi' lolon al.

16 Muq'uic i γΛ lac chiquin: Ma'ix j c'Λjnibal como mach wutyΛonic, che'en. Jin cha'an mach añonic ti' bΛc'tyal, lolon che'en. Aunque che'icΛch mi' lolon al pero tyac'ΛΛch ti lac bΛc'tyal.

17 WutyΛiqui pejtyelel lac bΛc'tyal, ¿bajche'qui mi la cubin t'an, che' jini? Lac chiquinic pejtyelel lac bΛc'tyal, ¿bajche'qui mi lac cujts'in, che' jini?

18 Pero Dios ti yotsΛbeyonla ti yila ti yilal i c'Λjnibal jini am bΛ ti lac bΛc'tyal ba' ti yajcΛ Dios. ChΛ'Λch an laj c'Λjnibal cha'an Dios.

19 Mi ti pejtyelel ba' chucul tyac junchajpic jach ti lac bΛc'tyal mach ts'ΛcΛlic an lac bΛc'tyal, che' jini.

20 Aunque añΛch cabΛ chΛ bΛ tyac chucul ti lac bΛc'tyal pero jump'ej jach lac bΛc'tyal.

21 Mach wen muq'uic i suben laj c'Λb jini lac wut: Ma'ix a c'Λjnibal cha'añon, che' lac wut. Mi la col mach ch'ujbi i suben la coc: Ma'ix a c'Λjnibal cha'añon, che'en.

22 Pero jini más c'un bΛ yubil ti lac bΛc'tyal más an i c'Λjnibal.

23 Jini ma'ix bΛ mi laj q'uel ti ñuc ti lac bΛc'tyal mi lac mose'. Jini mach bΛ yom mi la cΛc' ti q'uelol mi lac más mose' ti pisil.

24 Mach'an mi lac mose' jini wen bΛ ti q'uelol. ChΛ'Λch ti' mele lac bΛc'tyal Dios. Dios ti γΛq'ue más i c'Λjnibal jini mach bΛ ba'an mi laj q'uel ti wen

25 cha'an ma'ix mi' contrajin i b_Λ jini chucul tyac b_Λ ti lac b_Λc'tyal. Ti jujunchajp mi' motin c_Λñ_Λtyan i b_Λ.

26 Mi ti yil_Λ wocol junchajp chucul b_Λ ti lac b_Λc'tyal mi yilan wocol pejtyel yan tyac b_Λ am b_Λ ti lac b_Λc'tyal je'el. Mi tijicña mi yubin junchajp, lu' tijicña mi yubin jini chucul b_Λ am b_Λ ti lac b_Λc'tyal.

27 Jatyetla i b_Λc'tyaletla Cristo yubil. Ti jujuntiquiletla junchajp jini chucul tyac b_Λ ti' b_Λc'tyal Cristo yubil.

28 Che' jini Dios ti y_Λq'ue ochemo' b_Λ ti' t'an Dios ti yila ti yilal i c'Λjnibalob. Ñaxan an jini yajc_Λbilob' b_Λ ajsubt'añob ñumel. Ti wi'il an jini mu' b_Λ i sube' t'an tsa' b_Λ aq'uenti ti Dios. Ti wi'il an jini ajc_Λantisajob. Ti wi'il an jini mu' b_Λ i p_Λs'e ñuc tyac b_Λ i melbal Dios. Ti wi'il an jini mu' b_Λ i lajmisan xc'am'añob, Jini mu' b_Λ i cha'len cotya, jini am b_Λ ye'tyel i cha'len yum_Λl yic'ot jini mu' b_Λ y_Λq'uentyel i p'Λty_Λlel i cha'len t'an mach b_Λ ba'an mi' c_Λñe'.

29 Mach ti pejtyelelobic ti yajc_Λantiyob ti ajsubt'añob ñumel, mi ti jini mu' b_Λ i sube' t'an tsa' b_Λ aq'uenti ti Dios, mi ti ajc_Λantisajob. Mach ti pejtyelelobic ti yajc_Λanti cha'an i p_Λs'e' ñuc tyac b_Λ i melbal Dios.

30 Mach ti pejtyelelobic ch'ujbi i lajmisan xc'am'añob. Mach ti pejtyelelobic ch'ujbi i cha'len t'an ti t'an mach b_Λ ba'an mi' c_Λñob. Mach ti pejtyelelobic ch'ujbi i ñusan i sujmllel jini t'an mach b_Λ ba'an mi' c_Λñob.

31 Jop'oxla che' jini la' w_Λq'uentyel ti Dios jini más wen b_Λ la' c'Λjnibal. Pero mi quejel c subeñetla jini más wen tyo b_Λ.

13

Cha'an p'untyaya

¹ Muq'uic c cha'len t'an ti cabal yan tyac b_Λ t'an mach b_Λ ba'an mic ña'tyan o muq'uic c ña'tyan i t'an ajtroñelob i cha'an Dios ch'oyolo' b_Λ ti panchan pero mi mach'an mic cha'len p'untyaya lajalon jach bajche' lajtye' mu' b_Λ ti lon tintiniyel o lajalon jach bajche' mu' b_Λ i lon sub i b_Λ ch'ejew.

² Mi tic subeyob t'an aq'uebilon ti Dios yic'ot mi tij c_Λñ_Λ jini max tyo b_Λ tsictiyem tyac b_Λ yic'ot mi an pejtyelex ch_Λ b_Λ tyac jach b_Λ c ña'ty_Λbal yic'ot mi jas_Λ mic ch'ujbin cha'an i ch'uye' loq'uel i b_Λ wits, pero ma'ix sajlic an j c'_Λjnibal mi ma'ix mic cha'len p'untyaya.

³ Mi tic t'oxbeyob p'ump'uño' b_Λ pejtyelex ch_Λ b_Λ yes an c cha'an, jinic tyo ti c_Λc'_Λ ti pulel c b_Λc'tyal pero mi mach'an mic cha'len p'untyaya ma'ix ch_Λ b_Λ j c'_Λjnibal.

⁴ Jini mu' b_Λ i yoque cha'len p'untyaya mi' cuche' ti wen i simaronlel yaño' b_Λ. Uts yic'ot yaño' b_Λ. Mach'an mi' mich'q'uel ch_Λ b_Λ an i cha'an yaño' b_Λ. Mach'an mi' bajñel sube' i ñuclel. Mach'an mi' chan isan i b_Λ.

⁵ Jini mu' b_Λ i yoque cha'len p'untyaya mach lecojic mi' cha'len. Mach'an mi' bajñel pensalin i wenlel. Mach'an mi' wa' mich'an. Mach'an mi' pensalin i sutquiben i simaronlel yaño' b_Λ.

⁶ Jini mu' b_Λ i cha'len p'untyaya mach'an c'ajacña i yoj mi yubin che' an i mul yaño' b_Λ. Pero c'ajacña i yoj mi yubin cha'an jini yoque melel b_Λ.

⁷ Jini mu' b_Λ i cha'len p'untyaya mi' lu' cuche' ti jal ch_Λ b_Λ mi yujtyel che' ch_Λncol tyo i bej ch'ujbin,

che' mi' chʌc pijtyan, che' mi' lu' cuche' ti wen jini wocol.

⁸ Mach'an mi quejel i jilel p'untyaya. Pero tyal i yorojlel mi quejel i jilel i c'ʌjnibal i sujbel t'an tsa' bʌ aq'uenti ti Dios. Tyal i yorojlel mi lajmel i cha'lentyel t'an ti cabʌl t'an tyac. Tyal i yorojlel che' ma'ix chʌc an i c'ʌjnibal cabʌl ña'tyʌbal tyac.

⁹ Wale iliyi max tyo ts'ʌcʌl mi lac ña'tyan. Max tyo ts'ʌcʌl mi lac sube' i t'an Dios.

¹⁰ Pero che' mi quejel laj cʌñe' ti ts'ʌcʌl, che' jini mi quejel i lu' jilel i c'ʌjnibal jini max tyo bʌ ts'ʌcʌl.

¹¹ La' lac poj al. Che' bajche' che' ñac bʌ alʌlon tyo tic cha'le t'an che' bajche' alʌlob. Tic ch'ʌme' isujm che' bajche' alp'eñalob. Tic pensali che' bajche' alp'eñalob. Che' colem quixtyañujon tij cʌyʌ jini mu' bʌ i cha'len alp'eñalob.

¹² Chʌ'ʌch je'el wale iliyi mi laj yʌxñʌ q'uele' che' bajche' ti espejo che' bajche' i yʌxñʌl jax tyo. Pero mu' tyo quejel laj q'uele' ti ts'ʌcʌl. Wale iliyi max tyo ts'ʌcʌl mic yoque cʌñe' che' bajche' yoque an tyac pero mu' tyo quejel j cʌñe' che' bajche' Dios mi' cʌñon.

¹³ Che' jini ti bele' ora mi jalejel jini xuc'tyʌlel mu' bʌ lac ch'ujbin ti lac pusic'al, pijtyaya yic'ot p'untyaya. Pero jini más wen bʌ ti jini uxchajb jiñʌch p'untyaya.

14

Mu' bʌ i cha'len t'an ti yambʌ t'an tyac

¹ Jop'ola la' bej más cha'len p'untyaya. Cha'lenla wersa la' tyaje' la' c'ʌjnibal ti Ch'ujul bʌ i Ch'ujlel Dios. Jini más wen bʌ la' c'ʌjnibal yom bʌ mi' la'

tyaje' jiñ^Λch la' sube' t'an mu' b^Λ la' w^Λq'uentyel ti Dios.

² Jini mu' b^Λ i cha'len t'an ti yamb^Λ t'an mach b^Λ ba'an mi' ña'tyan, mi' pejcan Dios. Mach i pi'^Λlobic mi' pejcan, como mach'an mi' ch'^Λm'eñob isujm. Como cha'an ti Ch'ujul b^Λ i Ch'ujlel Dios mi y^Λle' t'an mach b^Λ ba'an tsictiyem.

³ Pero jini mu' b^Λ i sube' t'an tsa' b^Λ aq'uenti ti Dios mi' pejcan quixtyañujob cha'an mi' más xuc'ty^Λl ti' t'an Dios, cha'an mi' ñuc is^Λbeñob i pusic'al yic'ot cha'an mi ñ^Λch'ty^Λl i pusic'al.

⁴ Jini mu' b^Λ i cha'len t'an mach b^Λ ba'an mi' ña'tyan mi bajñel más xuc'ty^Λl ti' t'an Dios. Pero jini mu' b^Λ i sube' t'an tsa' b^Λ aq'uenti ti Dios mi' cotyan ochemo' b^Λ ti' t'an Dios i más xuc'ty^Λl ti' t'an Dios.

⁵ Com lu' anic la' c'^Λjnibal la' cha'len t'an mach b^Λ ba'an mi la' ña'tyan. Pero más com ch'ujbiyic la' lu' sube' t'an tsa' b^Λ aq'uentiyetla ti Dios. Como más an i c'^Λjnibal la' sube' t'an tsa' b^Λ aq'uentiyetla ti Dios bajche' mi la' cha'len t'an mach b^Λ ba'an mi la' ña'tyan. Jini jach wen mi la' cha'len t'an mach b^Λ ba'an mi la' ña'tyan che' an jini mu' b^Λ i ñusan i sujmllel cha'an mi más xuc'ty^Λl ti' t'an Dios jini ochemo' b^Λ ti' t'an Dios.

⁶ Jin cha'an hermañujob, mi tic jula'ayetla mi tic pejc^Λyetla ti t'an tyac mach b^Λ ba'an mi lac ña'tyan ma'an i c'^Λjnibal la' cha'an. Jini jach an i c'^Λjnibal la' cha'an mi tic subetla t'an ti lac t'an b^Λ ch^Λncol b^Λ i y^Λq'ueñonla lac ch'^Λm'en isujm Dios o mi cha'an lac más ña'tyan i sujmllel o che' mi tic sube' t'an tsa' b^Λ aq'uentiyon ti Dios o mi cha'an laj c^Λantis^Λntyel.

⁷ La' lac poj al che' bajche' mi' cha'len uq'uel jini música tyac mach b^Λ ba'an cuxul che' bajche'

guitarra mi jalal. Mi mach wen mi wustyal jalal ma'ix mi lac ña'tyaben i sujmler chΛ bΛ mi loc'san, che' jini.

⁸ Mi mach tyoj mi wustyal trompeta mu' bΛ i c'añob i palyob i bΛ ti guerra mach'an mi quejel i chajpañob i bΛ soldadojob cha'an mi majler ti guerra.

⁹ ChΛ'ach je'el che' mi la' cha'len t'an mach bΛ ba'an mi la' ña'tyan. Mi ma'ix tsiquil i sujmler mu' bΛ la' wale' mach'an majch mi quejel i ch'Λm'en isujm chΛ bΛ chΛncol la' wale' che' jini. Lolon t'an jachix muq'uetla che' jini.

¹⁰ Melelach an cabal t'an tyac ti mulawil. Ti jujunchajb an i sujmler.

¹¹ Pero che' bajche' ñajt tyalemon mi yubin juntiquil mu' bΛ i pejcañon mi mach'an mic ch'Λm'en isujm i t'an. Che' je'el che' bajche' tyalem ti yambΛ lum yubil mi cubin juntiquil mach bΛ ba'an mic ch'Λm'en isujm i t'an.

¹² Wen che' la' wom la' c'Λjnibal mu' bΛ i yΛq'ueñonla Ch'ujul bΛ i Ch'ujler Dios. Jin cha'an jop'oxla la' más ch'Λme' la' c'Λjnibal mu' bΛ i cotyan cha'an mi más xuc'tyal jini ochemo' bΛ ti' t'an Dios.

¹³ Che' jini, jini mu' bΛ i cha'len t'an mach bΛ ba'an mi' ña'tyan, yom i c'ajtiben Dios cha'an mi yΛq'uentyel i c'Λjnibal i suben i sujmler tsa' bΛ i yΛΛ cha'an i lu' yubiñob.

¹⁴ Mi tic cha'le oración ti t'an mach bΛ ba'an mic ña'tyan, che' jini lolon jach yubil che' mic cha'len oración como mach'anix mi' cotyañon como ma'ix mic ch'Λme' isujm tic pusic'al.

¹⁵ ¿ChΛ bΛ yom mic cha'len che' jini? Yom mic pejcan Dios tic pusic'al pero yom mic ch'Λm'en

isujm je'el. Yom mic cha'len c'ay tic pusic'al pero yom c ch'Λm'en isujm je'el.

16 Como mi chΛncox a sube' i ñucler Dios ti oración ti t'an mach bΛ ma' ña'tyan, jini quixtyañu mach bΛ ba'an mi' ch'Λm'en isujm mach ch'ujbi i motin suben Dios wocox i yΛΛ awic'ot che' chΛncox a pejcan Dios. Como mach'an mi' ch'Λm'en isujm a t'an.

17 C'o'ojl weñΛch bajche' chΛncox a suben Dios wocox i yΛΛ. Pero jini yambΛ mach ch'ujbi i xuc'tyal che' mi yubin a woración.

18 Mic suben Dios wocox i yΛΛ cha'an más ch'ujbi c cha'len yan tyac bΛ t'an mach bΛ ba'an mic ña'tyan bajche' pejtyeleletla.

19 Pero che' much'quibilob ochemo' bΛ ti' t'an Dios más c'Λjnibal cΛle' jo'p'ej t'an ti yoque lac t'an bΛ mu' bΛ i lu' yubiñob cha'an mi cΛntisΛntyelob. Ma'ix i c'Λjnibal mi ti cΛΛ diez mil t'an ti yambΛ t'an mach bΛ ba'an mi' ch'Λm'eñob isujm.

20 Hermañujob, mach la' pensalin che' bajche' allob. Pero yom mi la' wajñel che' bajche' ch'oc alal max tyo bΛ yujil simaronlel. Pero ti la' pensal ajñenla che' bajche' ñuqui quixtyañu.

21 Ti' ts'ijbubil bΛ i mandar Dios mi yΛ: Mi quejel c pejcan ili quixtyañujob ti yan tyac bΛ t'an. Mi quejel c'Λmben i ti' tyΛlemo' bΛ ti ñajt. Pero mach'an mi quejel i ch'ujbiñob c t'an, che'en. Che' mi yΛ lac Yum.

22 Dios mi yΛq'ueñonla i p'ΛtyΛlel lac cha'len t'an mach bΛ ba'an mi lac ña'tyan cha'an mi tsictiyel i p'ΛtyΛlel Dios ti' tyojlel jini mach bΛ ba'an ochem ti' t'an Dios. Pero mach'an mi yΛq'ueñonla i p'ΛtyΛlel lac cha'len t'an mach bΛ ba'an mi lac ña'tyan cha'an

mi xuc'ty Δ l ochemo' b Δ . Pero che' an majch mi' sube' t'an tsa' b Δ aq'uenti ti Dios cha'an bajche' yom mi yajñel, i c' Δ jñibal cha'an jini ochemo' b Δ ti' t'an Dios. Mach'an i c' Δ jñibal cha'an jini mach b Δ ba'an ochem ti' t'an Dios como max tyo ba'an mi' ña'tyañob.

²³ Che' jini, che' much'quibilob ochemo' b Δ ti' t'an Dios mi ti pejtyelex ti queji i cha'len t'an ti t'an mach b Δ ba'an mi' ña'tyañob, mi ti ochi juntiquil mach b Δ ba'an mi' c Δ ñetla o mach ochem ti' t'an Dios, mi quejel i y Δ le': Tontojetla, che' mi quej i y Δ le'.

²⁴ Pero mi ti pejtyelex ch Δ ncox i sube' t'an tsa' b Δ aq'uenti ti Dios, mi ti ochi juntiquil mach b Δ ba'an ochem ti' t'an Dios o mi mach c Δ ñ Δ l la' cha'an mi quejel i pensalin i mul. Mi quejel ti t'an i pusic'al cha'an ti ch Δ b Δ mi la w Δ le' ti pejtyelexetla che' mi yubin la' t'an.

²⁵ Mi quejel i bajñel ña'tyan i simaronlex. Mi quejel i ñocchocon i b Δ cha'an mi' ch'ujutisan Dios. Mi quejel i y Δ le': Melelex w Δ 'an Dios la' wic'ot, che'en.

²⁶ Jin cha'an hermañujob, ¿chuqui yom mi la' cha'len, che' jini? Che' mi la' much'quin la' b Δ añ Δ ch la' c' Δ jñibal tyac: Juntiquil mi' c' Δ ye' i ñucler Dios. Yamb Δ mi' cha'len c Δ ntisa. Yamb Δ mi' sube' ch Δ b Δ tsa' p Δ s'enti ti Dios. Yamb Δ mi' cha'len t'an mach b Δ ba'an ba' ora mi y Δ le' o mi' ñusan i sujmler jini t'an mach b Δ ba'an mi' ña'tyan. Weñ Δ ch che' mi la' cha'len bajche' jini pero pejtyel yom mi la' cha'len cha'an mi xuc'ty Δ l ochemo' b Δ ti' t'an Dios.

²⁷ Che' mi' cha'leñob t'an mach b Δ ba'an mi' ña'tyañob, yom jach cha'tiquil o mi uxtiquil mi'

cha'leñob jini t'an mach b_Λ ba'an mi' ña'tyañob. Pero belecña yom i cha'leñob t'an. Yom je'el juntiquil mu' b_Λ i ñusan i sujmllel jini t'an.

28 Pero che' much'quibil ochemo' b_Λ ti' t'an Dios mi ma'an majch ch'ujbi i ñusan i sujmllel jini t'an más wen mi mach'an mi' cha'leñob t'an ti t'an mach b_Λ ba'an mi' ña'tyañob. La' i bajñel pejcan Dios che' i bajñel ti t'an mach b_Λ ba'an mi' ña'tyan.

29 Che' je'el la' i cha'len subt'an cha'tiquil mi ux-tiquil tsa' b_Λ aq'uenti t'an ti Dios. La' i pensaliñob jini yaño' b_Λ ajsubt'añob mi weñach ch_Λ b_Λ ti ajli.

30 Pero mi an juntiquil buchul b_Λ mi yaq'uentyel ti Dios ch_Λ b_Λ mi quejel i sube', la' i c_Λy i t'an jini ch_Λncol b_Λ i sube' t'an.

31 Che' jini pejtyeletla belecña ch'ujbi la' cha'len t'an mu' b_Λ la' w_Λaq'uentyel ti Dios la' sube' cha'an mi' lu' tyajob i c_Λantis_Λntyel, cha'an mi ñuc isabentyelob i pusic'al ti pejtyelelob.

32 Jini mu' b_Λ i sube' t'an tsa' b_Λ aq'uenti ti Dios yom i bajñel tiq'ue' i pusic'al cha'an i yaq'uen i cha'len t'an yamb_Λ ajsubt'an je'el.

33 Mach'an mi' mulan Dios che' ju'upolaw mi yujtyel. Como Dios yom che' ñach'al mi yujtyel culto. Ch_Λ'ach ñ_Λm_Λlob i cha'len ti pejtyel ba'ic jach mi' much'quiñob i b_Λ ochemo' b_Λ ti' t'an Dios.

34 Mach yom i cha'len t'an ti culto x'ixicob che' mi' much'quiñob i b_Λ ochemo' b_Λ ti' t'an Dios. Mach'an aq'uebilob i cha'leñob t'an. Yom i ch'ujbiñob t'an bajche' mi xijq'uel ti i mandar Dios.

35 Che' an ch_Λ b_Λ yom i c'ajtin cha'an i ch'Λm'en isujm yom i c'ajtiben i ñoxi'al ti yotyot. Como mach wen che' mi' cha'leñob t'an ti culto x'ixicob.

³⁶ Yom mi la' ch'Λm'en isujm mach ya'ic tyΛlem i t'an Dios ya' ba' añetla. Mach la' bajñel jach ti aq'uentiyetla la' wubin i t'an Dios.

³⁷ Mi an majch mi' ña'tyan añΛch i c'Λjnibal cha'an i sube' i t'an Dios o mi' ña'tyan ti aq'uenti t'an ti jini Ch'ujul bΛ i Ch'ujlel Dios, yom i ña'tyan jini xic'ojel chΛncox bΛ c ts'ijbubeñetla tyΛlemΛch ti lac Yum je'el.

³⁸ Pero mi mach'an mi' ch'ujbin ili t'an, che' jini mach yom mi ch'ujbibentyel i t'an je'el.

³⁹ Che' jini quermañujob, cha'lenla wersa la' tyaje' la' c'Λjnibal cha'an la' sube' i t'an Dios. Ma' mi la' tiq'ue' jini mu' bΛ i cha'len t'an ti t'an mach bΛ ba'an mi' ña'tyan.

⁴⁰ Pero cha'lenla pejtyel bajche' yom yic'ot bajche' mi la' xijq'uel.

15

Cha'an i tyejchel loq'uel Cristo ba'an sajtyemo'
bΛ

¹ Wale quermañujob, com mi la' cha' c'ajtisan jini wen bΛ t'an cha'an laj cotyΛntyel tsa' bΛ c subeyetla. Tsa'ix la' ch'ujbi. ChΛncol la' chΛc ch'ujbin jini t'an.

² CotyΛbiletla cha'an ti jini wen bΛ t'an mi chΛncol la' bej ch'ujbin jini tsa' bΛ c subeyetla, mi mach ti la' ti' jach ti la' lolon aΛ ti la' ch'ujbi.

³ Ñoj ñuc i c'Λjnibal jini tsa' bΛ subentiyon cha'an ti sajti Cristo cha'an i xot'beñonla lac mul che' bajche' ts'ijbubil ti' t'an Dios. JiñΛch tsa' bΛ c subeyetla je'el.

4 Ti ch'ujñanti Cristo. Ti cha' tyejchi loq'uel ba'an sajtyemo' b_Λ ti yuxp'ejlel q'u'in che' bajche' ts'ijbubil ti' t'an Dios.

5 Cristo ti' p_{AS}'e i b_Λ Pedro. Ti wi'il ti' p_{AS}'e i b_Λ jini yaño' b_Λ tsa' b_Λ i cambeyob i t'an Jesús.

6 Ti wi'il Cristo ti' p_{AS}'e i b_Λ ñumen ti quinientos hermañujob. Cab_Λlob tsa' b_Λ yil_Λyob w_Λ' tyo an la quic'ot aunque an tsa'ix b_Λ sajtiyob.

7 Ti wi'il tyo Cristo ti' p_{AS}'e i b_Λ Jacobo. Ti wi'il tyo ti' p_{AS}'e i b_Λ Cristo pejtyel jini yajc_Λbilo' b_Λ ajsubt'añob ñumel.

8 Ti más wi'ilix, che' wajalix ti yil_Λyob Cristo jini yaño' b_Λ joñon tyo je'el tic wut ti' p_{AS}'on i b_Λ Cristo.

9 Como ma'ix j c'_Λjñibal mi cubin bajche' yaño' b_Λ yajc_Λbilo' b_Λ ajsubt'añob ñumel. Mach weñon cha'an pejc_Λnticon ti yajc_Λbilon b_Λ ajsubt'añon ñumel yubil como tic ty_Λc'_Λl_Λyob jini ochemo' b_Λ ti' t'an Dios.

10 Pero añon bajche' añon cha'an ti' p'unty_Λyon Dios. Mach lolomic jach ti' p'unty_Λyon Dios. Como más tic cha'le troñel bajche' yaño' b_Λ yajc_Λbilo' b_Λ ajsubt'añob ñumel. Mach joñonic pero Dios_Λch ti' cha'le troñel quic'ot cha'an ti yutslel yic'otyón.

11 Pero ma'ix ch_Λ b_Λ mi' cha'len mi joñon mi yamb_Λ ajsubt'añob ñumel pero mismo jiñ_Λch b_Λ t'an tsa' b_Λ lojon c subeyetla. Jiñ_Λch jini t'an tsa' b_Λ la' ch'ujbibe.

Cha'an i tyejchel loq'uelob ba'an sajtyemo' b_Λ

12 Pero ch_Λncol c_Λle' lojon ti lojon c subt'an ti tyejchi loq'uel Cristo ba'an sajtyemo' b_Λ. ¿Bajche'qui isujm che' ya' ba'añetla an jini ch_Λncol b_Λ lolon ale'

mach'an mi quejel i tyejchelob loq'uel sajtyemo' b Δ ?

¹³ Pero mi mach'an mi quejel i tyejchel loq'uel sajtyemo' b Δ mi jinic Cristo mach'an ti tyejchi loq'uel ba'an sajtyemo' b Δ che' jini.

¹⁴ Machic ba'an ti tyejchi loq'uel Cristo ba'an sajtyemo' b Δ lolom jachix muc'on lojon ti subt'an che' jini. Lolom jachix mi la' ch'ujbin Cristo che' jini.

¹⁵ Mi mach'an mi quejel i tyejchel loq'uel sajtyemo' b Δ xlotyon lojon yubil che' jini. Como ch Δ ncox lojon c Δ le' Dios ti tyeche loq'uel Cristo ba'an sajtyemo' b Δ . Mi mach melelix mi quejel i tyejchel loq'uel sajtyemo' b Δ mach melelix Dios ti tyeche loq'uel Cristo ba'an sajtyemo' b Δ je'el che' jini.

¹⁶ Como mi mach'an mi quejel i tyejchelob loq'uel sajtyemo' b Δ mi jinic Cristo ti tyejchi loq'uel ba'an sajtyemo' b Δ che' jini.

¹⁷ Mi mach'an ti tyejchi loq'uel Cristo ba'an sajtyemo' b Δ lolom jachix mi la' ch'ujbin Cristo che' jini. Añet tyo la ti la' mul che' jini.

¹⁸ Machic ba'an mi quejel i tyejchel sajtyemo' b Δ , jini tsa' b Δ i sajtiyob tsa' b Δ i ch'ujbiyob Cristo añob ti xot' mulil che' jini.

¹⁹ Mi poj w Δ ' jach ti mulawil an laj coty Δ ntyel más p'ump'uñonla bajche' pejtyel yaño' b Δ quixtyañujob che' jini.

²⁰ Pero melel Δ ch tsa'ix tyejchi loq'uel Cristo ba'an sajtyemo' b Δ . Tsiquil Δ ch che' jini mi quejel i tyejchis Δ ntyelob loq'uel yaño' b Δ sajtyemo' b Δ je'el.

²¹ Cha'an ti caj juntiquil winic Adán b Δ i c'aba' ti queji i sajtyel quixtyañujob. Ch Δ ' Δ ch ti caj je'el

yamb_Λ juntiquil winic Cristo b_Λ i c'aba' ti queji i tyejchelob sajtyemo' b_Λ.

²² Che' bajche' pejtyel quixtyañujob mi sajtyelob cha'an i jiñ_Λjlelonla Adán. Ch_Λ'_Λch je'el pejtyel i cha'an b_Λ Cristo mi quejel i cuxtiyelob.

²³ Pero jujuntiquil ti' yorojlel mi quejel i cuxtiyel. Ñaxan ti cuxtiyi Cristo. Ti wi'il mi quejel i cuxtiyel i cha'an b_Λ Cristo che' mi ty_Λlel.

²⁴ Che' jini tyal i jilibal che' Cristo mi quejel i jis_Λben i c'_Λjnibal ye'tyel pejtyel yum_Λlob, pejtyel am b_Λ ye'tyel yic'ot pejtyel am b_Λ i p'_Λty_Λlel. Che' jini Cristo mi quejel i y_Λq'uen ti' wenta i cha'len yum_Λ Dios lac Tyat.

²⁵ Como Cristo wersa mi' cha'len yum_Λ jintyo tsa'ix i ganari i p'_Λty_Λlel pejtyel jini i contrajob.

²⁶ Jini cojachix b_Λ laj contra mu' b_Λ quejel i jis_Λntyel jiñ_Λch che' mi lac sajtyel. Como Cristo mi quejel i jisan jini sajtyel. Che' jini ma'ix majch mi quejel i cha' sajtyel.

²⁷ Como Dios ti lu' yots_Λbe ti' wenta Cristo. Che' mi y_Λle' jini Ts'ijbubil b_Λ i T'an Dios: Pejtyel ti ots_Λanti ti' wenta Cristo, che'en, tsiquil mach jinic Dios ti yots_Λ i b_Λ ti' wenta Cristo como Dios_Λch tsa' b_Λ lu' ots_Λbe ti' wenta Cristo pejtyel ch_Λ b_Λ yes an.

²⁸ Che' tsa'ix i lu' ganarin Cristo, che' jini Cristo i Yalobil b_Λ Dios mi quejel i yotsan i b_Λ ti' wenta Dios. Che' jini Dios i Yum_Λch pejtyel ch_Λ b_Λ jach an mi quejel i yajñel.

²⁹ An yamb_Λ quixtyañujob mu' b_Λ i y_Λc' i b_Λ ti' ch'_Λam ja' ti' q'uexol jini tsa' b_Λ sajtiyob. ¿Chucoch mi lolon cha'leñob ma' w_Λl jini? Como mi mach'an mi tyejchelob loq'uel sajtyemo' b_Λ ma'ix i c'_Λjnibal

mi yΛc' i bΛ ti ch'Λm ja' cha'an jini tsa' bΛ sajtiyob che' jini.

³⁰ ¿Chucoch mi lojon c ñusan bΛbΛq'uen bΛ wocol ti bele' ora?

³¹ BΛq'uentic mic sajtyel ti bele' q'uin. Pero tijicñayon cha'an xuc'uletla chΛncol la' ch'ujbin lac Yum Jesucristo.

³² ¿ChΛ bΛ tyo i c'Λjnibal mic lolon ñusan wocol ti jujump'ej q'uin mi mach'an mi tyejchel loq'uel sajtyemo' bΛ? Ti' contrajiyonob che' bajche' simaron bΛ animal ti' cha'leyonob yubil ya' ti Efeso. Mi melelΛch mach'an mi tyejchelob sajtyemo' bΛ, la' lac cha'len bajche' mi lolon yΔlob: La'ix lac wΛ wen cha'len we'el uch'el como ijc'Λl cha'bi jachix mi quejel lac sajtyel, che'ob, mi lolon alob.

³³ Mach la' wΛc' la' bΛ ti lotintyel. Como che' bajche' mi yΔlob: Jini mach'Λ wen bΛ lac pi'Δlob ti t'an mi yΛq'ueñonla lac sΛtye' wen bΛ lac pensal, che'ob.

³⁴ CΛyΛ jini mach'Λ wen cha'an mi la' wajñel ti xuc'ul. Mach la' cha'len mulil. An cha'tiquil uxtiquiletla mach'an mi la' cΛñe' Dios. ChΛ'Λch mi cΛle' cha'an mi la' quisnin.

Cha'an bajche' mi tyejchelob sajtyemo' bΛ

³⁵ C'o'ojl an majch mi quejel i c'ajtin: ¿Bajche'qui mi quejel i tyejchelob loq'uel jini sajtyemo' bΛ? ¿Bajche'qui yilal i bΛc'tyal mi yΛq'uentyel? che' mi quejel i yΛle'.

³⁶ Leco i c'ajtibal. Como che' mi' pΛc'ob i wut chΛ bΛ tyac jach i wut mi pΛc'mΛl cha'an mi pasel.

37 Jini pimel mu' b_Λ i pasel mach jinic ti q'uelol tsa' b_Λ i p_Λj_q'ui. Jini tsa' b_Λ p_Λj_q'ui i wut jach ixim mi ch_Λ b_Λ tyac jachix.

38 Ti wi'il Dios mi y_Λq'uen i pasel i yopol jini tsa' b_Λ p_Λj_q'ui bajche' i cha'añ_Λch jujunchajb. Jiñ_Λch bajche' yilal jini tsa' b_Λ p_Λj_q'ui.

39 Mach junlajal pejtyel b_Λc'tyal_Λ. I b_Λc'tyal quixtyañu junchajb. Yamb_Λ i b_Λc'tyal animal. Yamb_Λ i b_Λc'tyal xma'tye'mut. Yamb_Λ i b_Λc'tyal ch_Λy.

40 Ch_Λ'_Λch je'el an junchajb lac b_Λc'tyal bajche' mi quejel i yajñel ti panchan. Yamb_Λ lac b_Λc'tyal ch_Λncol b_Λ laj c'_Λn w_Λ' ti mulawil. Pero jini ty_Λlem b_Λ ti panchan partej_Λch i c'otyajlel bajche' jini am b_Λ ti mulawil.

41 Che' bajche' i c'_Λc'al jini q'uin mach lajal yic'ot i c'_Λc'al jini uw. I c'_Λc'al uw mach lajal yic'ot i c'_Λc'al ec'. Mach junlajal i c'_Λc'al jump'ej ec' yic'ot yamb_Λ.

42 Ch_Λ'_Λch je'el mach junlajal lac b_Λc'tyal wale iliyi yic'ot jini mu' b_Λ quejel i tyejchel loq'uel ba'an sajtyemo' b_Λ. Jini lac b_Λc'tyal mu' b_Λ ch'ujñ_Λntyel mi p_Λc'm_Λl. Jini mu' b_Λ tyejchel loq'uel ba'an sajtyemo' b_Λ mach cha' p_Λc'm_Λyix.

43 Mi' ch'ujñ_Λntyel mach'Λ wen b_Λ lac b_Λc'tyal. Mi tyejchel loq'uel wen b_Λ lac b_Λc'tyal. Mi ch'ujñ_Λntyel c'un b_Λ lac b_Λc'tyal. Mi tyejchel loq'uel ba'an sajtyemo' b_Λ p'_Λty_Λ b_Λ lac b_Λc'tyal.

44 Mi ch'ujñ_Λntyel lac b_Λc'tyal tsa' b_Λ ajni w_Λ' ti mulawil. Mi tyejchel loq'uel ba'an sajtyemo' b_Λ lac b_Λc'tyal che' bajche' mi quejel yajñel ti panchan. Añ_Λch lac b_Λc'tyal ch_Λncox b_Λ yajñel ti mulawil. An je'el jini mu' b_Λ quejel yajñel ti panchan.

45 Mi y Δ l Ts'ijbubil b Δ i T'an Dios: Adán, ñaxan b Δ quixtyañu ti aq'uenti i cuxty Δ lel. Ti wi'il an yamb Δ quixtyañu che' bajche' Adán am b Δ i ch'ujlel mu' b Δ y Δ q'ueñonla laj cuxty Δ lel mach' Δ yujil jilel. Jiñ Δ ch Jesucristo.

46 Mach ñaxañic an lac b Δ c'tyal mu' b Δ quejel yajñel ti panchan. Ñaxan an jini lac b Δ c'tyal yujil b Δ ajñel ti mulawil. Ti wi'il tyo an jini mu' b Δ quejel yajñel ti panchan.

47 Jini ñaxan b Δ winic melem ti lum. Yujil ajñel ti mulawil. Lac Yum jini cha'ticlel b Δ winic yubil mi yajñel ti panchan.

48 I b Δ c'tyal quixtyañujob w Δ ' ti mulawil lajal i b Δ c'tyal jini tsa' b Δ mejli ti lum. I b Δ c'tyal quixtyañu mu' b Δ quejel yajñel ti panchan lajal i b Δ c'tyal yic'ot jini am b Δ ti panchan.

49 Ch Δ ' Δ ch lajal lac b Δ c'tyal yilal wale iliyi bajche' i cha'an Adán melem b Δ ti lum, ch Δ ' Δ ch je'el lajal yilal lac b Δ c'tyal mi quejel i yajñel che' bajche' i cha'an Cristo.

50 Com subeñetla hermañujob, lac b Δ c'tyal mu' b Δ laj c' Δ ñe' w Δ ' ti mulawil mach c'ot ba' mi' cha'len yum Δ l Dios. Jini lac b Δ c'tyal yujil b Δ jilel mach ajn ba' mi jalijel lac b Δ c'tyal ti bele' ora.

51 Pero com la' ch' Δ m'en isujm jini mach b Δ tsictiyem ti yamb Δ ora. Mach ti pejtyelelonla mi quejel lac sajtyel. Pero ti pejtyelelonla mi quejel laj q'uextiyel.

52 Mi quejel laj cuxtiyel ti saj ora jach, che' bajche' mi mujtsel lac wut che' mi yubintyel jini cojix b Δ i t'an trompeta. Mi quejel i wusty Δ l trompeta. Che' jini mi quejel i tyejchelob loq'uel sajtyemo'

b_Λ. Ma'ix mi cha' sajtyelob. Joñonla mi quejel laj q'uextiyel.

⁵³ Como mi quejel laj c_Λye' lac b_Λc'tyal mach b_Λ ba'an mi jalijel. Mi quejel la c_Λq'uentyel jini mach b_Λ ba'an mi jilel. Mi quejel laj c_Λye' lac b_Λc'tyal mu' b_Λ sajtyel. Mi quejel la c_Λq'uentyel lac b_Λc'tyal mach'Λ ba'an mi sajtyel.

⁵⁴ Che' tsa'ix q'uextiyi lac b_Λc'tyal yujil b_Λ p_Λc'm_Λl, che' tsa'ix lac xojo jini mach'Λ ba'an mi cha' jilel, che' tsa'ix q'uextiyi lac b_Λc'tyal yujil b_Λ sajtyel, che' tsa'ix lac xojo jini mach'Λ yujil sajtyel, che' jini mi ts'actiyel jini ts'ijbubil b_Λ ti' t'an Dios. Mi y_Λ: Jilemix i p'Λty_Λlel sajtyel. Ma'ix mi quejel i bej ganarin ts_Λnsa jini sajtyel.

⁵⁵ Ma'ix mi bej sajtyelob quixtyañu. Ma'ix mi lac cha'len b_Λq'uen cha'an cha' sajticonla.

⁵⁶ Mi sajtyelob quixtyañu wale iliyi cha'an ti caj mulil. Jiñach jini oniyi b_Λ mandar ti' tsictis_Λ mi mulil_Λch mu' b_Λ i cha'len quixtyañujob.

⁵⁷ Pero wocox i y_ΛΛ Dios mi y_Λq'ueñonla lac p'Λty_Λlel lac ganarin cha'an ti lac Yum Jesucristo.

⁵⁸ Jin cha'an p'unty_Λbilet b_Λ quermañujob, bej xuc'uletla yom cha'an mach nijc_Λantiquetla loq'uel ti jini mu' b_Λ la' ch'ujbin. Ch_Λc cha'libenla i troñel lac Yum. Como la kujil isujm mach lolomic jach mi lac cha'liben i troñel lac Yum che' motin la quic'ot mi lac cha'len.

16

Cha'an jini tyaq'uin tsa' b_Λ i much'quiyob cha'an hermañujob

¹ Wale, cha'an jini ofrenda ch_Λncol b_Λ la' much'quiben cha'an hermañujob, com mi la'

cha'len che' bajche' tic subeyob ochemo' b Δ ti' t'an Dios ba'ic jach añob ya' ti pañimil Galacia b Δ i c'aba'.

² Ti jujump'ej ñaxan b Δ q'uin ti semana jujuntiquiletla yom mi la' parte lot tyaq'uin ti la' wotyot. Jiñach bajche' yonlel ti la' ganari tyaq'uin mi la' loc'san ts'itya' cha'an ofrenda. Jini on b Δ ti ganari más mero on yom i yac'. Jini mach' Δ on ti' ganari, más ts'itya' jach yom i yac'. Che' jini ma'ix mi la' wersa much'quin ba' b Δ ora mij c'otyel.

³ Che' mij c'otyel mi quejel j choque' majlel ti Jerusalén jini hermañujob mu' b Δ la' yajcan. Mi quejel c Δ q'ueñob jun cha'an i ch' Δ mob majlel yic'ot jini tyaq'uin ch Δ ncol b Δ la' much'quin cha'an mi y Δ q'ueñob jini hermañujob ya'i.

⁴ Ch'ujbiyic c majlel quic'ot, mic majlel quic'ot jini mu' b Δ quejel la' choque' majlel.

Ba'yom i majlel Pablo

⁵ Che' mic majlel cula'añetla, ñaxan com ñumel ti pañimil Macedonia b Δ i c'aba'. Che' jini ti wi'il mij c'otyel ya' ba' añetla.

⁶ C'o'ojl che' mij c'otyel ya' ba' añetla mic jalejel o mi ya' mic ñusan yorojlel ts Δ ñal ya' ba' añetla. Cha'an che' jini ch'ujbi la' ts Δ cleñon majlel baqui jach mic majlel.

⁷ Como mach comic jach poj q'ueletla che' mic ñumel. Com c Δ yty Δ l ya' ba' añetla. Mi che' yom Dios mij c Δ yty Δ l ya'i.

⁸ Pero mu' tyo j c Δ yty Δ l ti lum Efeso b Δ i c'aba' jintyo ñumenix q'uin Pentecostés b Δ i c'aba'.

⁹ Como cab Δ l yom i yubiñob i t'an Dios ya'i pero an je'el cab Δ l j contrajob.

10 Mi ti c'oti Timoteo aq'u'en i tyaj i tijicñayel ya' ba' añetla. Mi' cha'liben i troñel lac Yum je'el che' lajal bajche' mic cha'len.

11 Mach yom mi la' p'aje' jini Timoteo. Pero cotyanla cha'an mi cha' loq'uel majlel ti ñach'tyalel i pusic'al cha'an mi cha' julel wΛ' ba'añon. Como chΛncox c pijtyan Timoteo je'el che' mi julel yambΛ hermañujob.

12 Tic xiq'ui la quermañu Apolos cha'an mi majlel i jula' añetla je'el yic'ot jini yambΛ hermañujob. Pero max tyo yom i majlel wale iliyi. Che' ch'ujbiyiqui mu' tyo i c'otyel.

Cojix bΛ saludo tyac

13 Yom bej p'ixiletla. Yom bej xuc'uletla. Ajñenla bajche' wen bΛ quixtyañu. Yom p'Λtyalel ti lac Yum.

14 Pejtyelex chΛ bΛ jach mi la' cha'len, cha'lenla ti la' p'untyaya.

15 Wale hermañujob, la' wujil isujm cha'an jini año' bΛ ti yotyot Estéfanos ñaxan ti' ch'ujbiyob i t'an Dios ya' ti pañimil Acaya bΛ i c'aba'. Tsa'ix i yΛc'Λ i bΛ i cha'len cotyaya cha'an hermañujob ti lac Yum.

16 Mic subeñetla cha'an yom mi la' ch'ujbiben i t'añob yic'ot je'el majchical jach mu' bΛ ti troñel ti cotyaya yic'ot jini muc'ob ti yambΛ wen bΛ troñel.

17 Tijicñayon cha'an tsa'ix juli Estéfanos, Fortunato yic'ot Acaico wΛ' ba'añon. Jini ti' cotyayoyñob como mach'an ti mejli la' cotyañon cha'an ñajt añetla.

18 Tsa'ix i ñuc isΛbeyon c pusic'al yic'ot la' cha'an je'el. Yom mi la' q'uel ti ñuc quixtyañujob bajche' añob.

19 Jini ochemo' b_Λ ti' t'an Dios mu' b_Λ i much'quiñob i b_Λ ya' ti pañimil Asia b_Λ i c'aba' mi' chocheñetla ty_Λlel saludos. Aquila yic'ot yijñam Priscila b_Λ i c'aba' yic'ot jini ochemo' b_Λ ti' t'an Dios mu' b_Λ i much'quiñob i b_Λ ti yotyot mi' wen chocheñetla ty_Λlel saludos cha'an ti lac Yum.

20 Ch'Λm_Λla jini saludos ch_Λncol b_Λ i chocob ty_Λlel pejtyel hermañujob. Aq'uen la' b_Λ saludos che' bajche' mi la' bele' cha'len.

21 Pablojon, mic chocheñetla ty_Λlel ili saludo ts'ijbubil b_Λ tij c'Λb.

22 Mi an majch mach'an mi' p'untyan lac Yum Jesucristo la' chojqüic ti Dios. La' ty_Λlic lac Yum ti ora.

23 La' i y_Λq'ueñetla i yutsllel i pusic'al lac Yum Jesucristo.

24 Mic chocheñetla ty_Λlel t'an cha'an c subeñetla mic lu' p'untyañetla ti Cristo Jesús. Amén.

Jini wen b^h t'an
New Testament in Chol Tila; ctu (MX:ctu:Chol)

copyright © 1976 Wycliffe Bible Translators, Inc.

Language: Chol

Translation by: Wycliffe Bible Translators

Contributor: Wycliffe Bible Translators, Inc.

Chol, Tila [ctu], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chol

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022
d90ef338-c9d2-52d6-8860-8085bf107fc1